


史記測議


傳百二十八之三十一



漢書門			
類	號	函	架
一	三	四	一
六	一	一	三
冊	冊	冊	冊

內閣文庫			
漢	書	類	號
一	三	四	一
六	一	一	三
冊	冊	冊	冊

內閣文庫			
番號	漢	1286	
冊數	30 ( 30 )		
函號	279	42	



綴じ部(喉部分)の文字など開きが不鮮明な箇所あり



史記卷之一百二十八

龜策列傳第六十八

子遠曰。太史公天官家。與日者龜策二家。相為出入。故著其傳。

太史公曰。自古聖王。將建國受命。興動事業。何嘗不

寶卜筮。以助善。唐虞以上。不可記已。自三代之興。各

據禎祥。塗山之兆。從而夏啟世。飛燕之卜。順故殷興。

白穀之筮吉。故周王。王者決定諸疑。參以卜筮。斷以

龜策列傳

龜策列傳

董份曰。龜策傳闕博。精雅。惜其文不全。而為褚先生補耳。劉知幾曰。子長列傳。

淺草文庫

徐孚遠

華亭

陳子龍

測議

內庫



其所編者  
惟人而已  
至於龜策  
異物不類  
肖形而軌  
與黔首同  
科俱謂之  
傳不其怪  
乎且龜策  
所記全為  
志體尚若  
與人書並  
列而定以  
書名庶幾  
乎同聲相  
應者矣

身計

卷一百一十八

著龜不易之道也。蠻夷氏羌雖無君臣之序，亦有決  
疑之卜。或以金石，或以草木。徐廣曰：一作革。國不同俗，然皆  
可以戰伐攻擊，推兵求勝，各信其神，以知來事。略聞  
夏殷欲卜者，乃取著龜，已則弃去之，以為龜藏則不  
靈，著久則不神。至周室之卜官，嘗寶藏著龜，又其大  
小先後各有所尚，要其歸等耳。或以為聖王遭事無  
不定，決疑無不見，其設稽神求問之道者，以為後世  
衰微，愚不師智，人各自安，化分為百室，道散而無根，  
故推歸之至微，要潔於精神也。或以為昆蟲之所長，

聖人不能與爭，其處吉凶，別然否，多中於人。至高祖  
時，因秦太卜官，天下始定，兵革未息，及孝惠享國日  
少，呂后女主，孝文孝景因襲掌故，未遑講試。雖父子  
疇官，世世相傳，其精微深妙，多所遺失。至今上即位，  
博開藝能之路，悉延百端之學，通一伎之士，咸得自  
効，絕倫超奇者為右，無所阿私。數年之間，太卜大集，  
會上欲擊匈奴，西攘大宛。徐廣曰：攘，一南收百越。卜  
筮至預見表象，先圖其利，及猛將推鋒執節，獲勝於  
彼，而著龜時日，亦有力於此。上尤加意賞賜，至或數

史記

卷一百一十八 龜策列傳



千萬如丘子明之屬富溢貴寵傾於朝廷至以卜筮射蠱道巫蠱時或頗中素有眦睚不快因公行誅恣意所傷以破族滅門者不可勝數百僚蕩恐皆曰龜策能言後事覺紆窮亦誅三族夫撻策定數索隱曰撻謂兩手執著分而撻灼龜觀兆變化無窮是以擇賢而用之故云撻策子遠曰此段判世漢隱非太史公不能作周公占焉可謂聖人重事者乎隱卜三龜而武王有瘳紂為暴虐而元龜不占晉文將定襄王之位卜得黃帝之兆左傳曰遇黃帝戰於阪泉之兆卒受彤弓之命獻公貪驪姬之色卜而兆有口象其禍竟流

五世楚靈將背周室卜而龜逆左傳曰靈王卜曰龜不詢天而呼曰是區區者而不余畀余必自取之終被乾溪之敗兆應信誠於內而時人明察見之於外可不謂兩合者哉君子謂夫輕卜筮無神明者悖背人道索隱曰悖音倍背音佩信禱祥者鬼神不得其正故書建稽疑五謀而卜筮居其二五占從其多明有而不專之道也余至江南觀其行事問其長老云龜千年乃遊蓮葉之上徐廣曰蓮一作葉聲相近或著百莖共一根徐廣曰劉向云龜千歲而後借今也又其所生獸無虎狼草無毒蠶江傍家人嘗畜龜飲



食之。以為能導引致氣。有益於助衰養老。豈不信哉。  
子龍曰。龜策傳宜載古之善者。如後史方技傳之例。可也。褚少孫止序。宋元王一事。宜來劉子玄之議矣。

褚先生曰。臣以通經術。受業博士。治春秋。以高第為郎。幸得宿衛。出入宮殿中。十有餘年。竊好太史公傳。太史公之傳曰。三王不同龜。四夷各異卜。然各以決吉凶。略闕其要。故作龜策列傳。臣往來長安中。求龜策列傳。不能得。入卜官。問掌故文學長老習事者。寫取龜策。事編於下方。聞古五

帝三王發。舉事必先決著龜。傳曰。

索隱曰。此傳即太卜所得。

古龜之 下。伏靈。上有兔絲。上有擣著。

索隱曰。擣音逐。音反。

擣著。即藜著。擣古稠字。

下有神龜。所謂伏靈者。在兔絲之下。

狀似飛鳥之形。新雨已。天清靜。無風。以夜捎兔絲。

去之。即以燭此地。徐廣曰。擣。能也。蓋然。火燭之。而龜舉其上。也。音薄。

火滅。即記其處。以新布四丈。環置之。明即掘取之。

入四尺至七尺。得矣。過七尺。不可得。伏靈者。千歲

松根也。食之不效。聞著生滿百莖者。其下必有神

龜守之。其上嘗有青雲覆之。傳曰。天下和平。王道



得而著莖長丈其叢生滿百莖方今世取著者不能中古法度不能得滿百莖長丈者取八十莖已上著長八尺卽難得也人民好用卦者取滿六十莖已上長滿六尺者卽可用矣記曰能得名龜者財物歸之家必大富至千萬一曰北斗龜二曰南辰龜三曰五星龜四曰八風龜五曰二十八宿龜六曰日月龜七曰九州龜八曰玉龜凡八名龜龜各有文在腹下文云云者此某之龜也略記其大指不寫其圖取此龜者必滿尺二寸民人得長

七八寸可寶矣今夫珠玉寶器雖有所深藏之見

其光必出其神明其此之謂乎故玉出於山而木

潤淵生珠而岸不枯者徐廣曰一無不字許氏說淮南以爲滋潤鍾於明珠

致令岸潤澤之所加也明月之珠出於江海藏於

蚌中蚌蟄伏之徐廣曰許氏說淮南云蚌龍屬也音決王者得之長

有天下四夫負服能得百莖著并得其下龜以小

者百言百當足以決吉凶神龜出於江水中廬江

郡嘗歲時生龜長尺二寸者二十枚輸太卜官因

以吉日剔取其腹下甲龜千歲乃滿尺二寸王者



發軍行將必鑽龜廟堂之上以決吉凶。今高廟中  
有龜室，藏內以為神寶。傳曰：取前足，臑骨穿佩之。

徐廣曰：臑音乃毛反。臑臂。取龜置室西北隅，懸之以入溪山大

林中，不惑。臣為郎時，見萬畢石朱方傳曰：有神龜

在江南嘉林中。嘉隱曰：按萬畢術中有石朱嘉林

者，獸無虎，鳥無鴟梟，草無毒螫，野火不及斧斤

不至，是為吉。標龜在其中，嘗巢於芳蓮之上。左脅

書文曰：甲子光。徐廣曰：子一作干。得我者匹夫為人君。

有止証。徐廣曰：正長也。諸侯得我為帝王，求之於

白蛇蟠竹林中者，齋戒以待，誕然。索隱曰：按林名

藏其中。行音烏，謂白蛇常蟠於此林中也。狀如有

誕音疑。言求龜者齋戒以待，恆誕然也。人來告之，因以醮酒佗髮。索隱曰：佗音徒。求之三

宿而得，繇是觀之，豈不偉哉！故龜可不敬歟。南方

老人用龜支牀足，行二十餘歲，老人歿，移牀，龜尚

生不歿。能行氣導引，問者曰：龜若此，然太

卜官得生龜，何為輒殺？取其甲乎？近世江主人有

得名龜，畜置之。家因大富，與人議欲遺去，人教殺

之，勿遣遺之，破人家。龜見夢曰：送我水中，無殺吾



楊慎曰宋元王殺龜事連類衍義三千言皆用韻證又不以褚先生筆必先秦戰國文所記亦成一家不可廢也  
按宋不稱曰止假稱元王也春飲時有元亦失德  
以許殺諸公子無強盛之事得龜之說當是卜者家列傳

也其家終殺之殺之後身死家不利人民與君子者異道人民得名龜其狀類不宜殺也以往古故事言之古明王聖主皆殺而用之宋元王時得龜亦殺而用之謹連其事於左方令好事者觀擇其中焉宋元王二年江使神龜使於河至於泉陽漁者豫且舉網得而囚之索隱曰且音子余切置之籠中夜半龜來見夢於宋元王曰我為江使於河而幕網當吾路泉陽豫且得我我不能去身在患中莫可告語王有德義故來告訴元王惕然而悟

乃召博士衛平而問之

索隱曰宋元王君之臣也

曰今寡人夢

見一丈夫延頸而長頭衣玄繡之衣而乘輜車來見夢於寡人曰我為江使於河而幕網當吾路泉陽豫且得我我不能去身在患中莫可告語王有

德義故來告訴是何物也衛平乃接式而起

徐廣曰式

音勅仰天而視月之光觀斗所指定日處鄉規矩為

輔副以權衡四維已定八卦相擊視其吉凶介蟲

先見乃對元王曰今昔壬子

索隱曰今昔猶昨夜也以今日言之謂昨

夜為宿在牽牛河水大會鬼神相謀漢正南北正義



觀月觀斗  
言之恐只  
是夢之夜  
耳

日漢江河固期南風新至江使先來白雲壅漢萬  
物盡留斗柄指日使者當囚玄服而乘輜車其名  
為龜王急使人問而求之王曰善於是王乃使人  
馳而往問泉陽令曰漁者幾何家各誰為豫且豫  
且得龜見夢於王王故使我求之泉陽令乃使吏  
案籍視圖水上漁者五十五家上流之廬名為豫  
且泉陽令曰諾乃與使者馳而問豫且曰今昔汝  
漁何得豫且曰夜半時舉網得龜莊子曰得白使  
龜圓五尺者曰今龜安在曰在籠中使者曰王知子得龜故

使我求之豫且曰諾即系龜而出之籠中獻使者  
使者載行出於泉陽之門正晝無見風雨晦冥雲  
蓋其上五采青黃雲雨並起風將而行入於端門  
見於東箱身如流水潤澤有光堅見元王延頸而  
前三步而止縮頸而卻復其故處元王見而怪之  
問衛平曰龜見寡人延頸而前以何堅也縮頸而  
復是何當也衛平對曰龜在患中而終昔囚王有  
德義使人活之今延頸而前以當謝也縮頸而卻  
欲亟去也元王曰善哉神至如此乎不可久留趣



駕送龜勿令失期。衛平對曰：龜者是天下之寶也。先得此龜者為天子。且十言十當，十戰十勝。生於淡淵，長於黃土。知天之道，明於上古。游三千歲，不出其域。安平靜正，動不用力。壽蔽天地，莫知其極。與物變化，四時變色。居而自匿，伏而不食。春倉夏黃，秋白冬黑。明於陰陽，審於刑德。先知利害，察於禍福。以言而當，以戰而勝。王能寶之，諸侯盡服。王勿遣也。以安社稷。元王曰：龜甚神靈，降於上天，陷於淡淵，在患難中。以我為賢，德厚而忠信，故來告寡人。寡人若不遣也，是漁者也。漁者利其魚，寡人貪其力，下為不仁，上為無德。君臣無禮，何從有福。寡人不忍，奈何。勿遣。衛平對曰：不然。臣聞盛德不報，重寄不歸。天與不受，天奪之寶。今龜周流天下，還復其所。上至蒼天，下薄泥塗，還徧九州。未嘗愧辱，無所稽留。今至泉陽，漁者辱而囚之。王雖遣之，江河必怒，務求報仇。自以為侵，因神與謀。淫雨不霽，水不可治。若為枯旱，風而揚埃，蝗蟲暴生，百姓失時。王行仁義，其罰必來。此無佗故，其祟在龜。後



雖悔之。豈有及哉。五勿遣也。元王慨然而歎曰。夫  
逆人之使。絕人之謀。是不暴乎。取人之有。以自爲  
寶。是不彊乎。寡人聞之。暴得者必暴亡。彊取者必  
後無功。桀紂暴彊。身歿國亡。今我聽子。是無仁義  
之名。而有暴彊之道。江河爲湯武。我爲桀紂。未見  
其利。恐離其咎。寡人狐疑。安事此寶。趣駕送龜。勿  
令久留。衛平對曰。不然。王其無患。天地之間。累石  
爲山。高而不壞。地得爲安。故云物或危而顧安。或  
輕而不可遷。人或忠信而不如誕謾。索隱曰。誕音  
由。闕切。謾音

漫。又並  
如字。

或醜惡而宜大官。或美好佳麗而爲衆人

患。非神聖人。莫能盡言。春秋冬夏。或暑或寒。寒暑  
不和。賊氣相奸。同歲異節。其時使然。故令春生夏  
長。秋收冬藏。或爲仁義。或爲暴彊。暴彊有鄉。仁義  
有時。萬物盡然。不可勝治。大王聽臣。臣請悉言之。  
天出五色。以辨白黑。地生五穀。以知善惡。人民莫  
知辨也。與禽獸相若。谷居而穴處。不知田作。天下  
禍亂。陰陽相錯。忽忽疾疾。徐廣曰。一作病。通而不相擇。妖  
孽數見。正義曰。說文云。衣服訶謔。草木之怪。謂之妖。禽獸蟲蝗之怪。謂之孽也。傳爲



軍薄聖人別其生使無相獲禽獸有牝牡置之山  
原鳥有雌雄布之林澤有介之蟲置之谿谷故牧  
人民爲之城郭內經閭術外爲阡陌夫妻男女賦  
之田宅列其室屋爲之圖籍別其名族立官置吏  
勸以爵祿衣以桑麻養以五穀耕之耰之正義曰  
耰覆種也  
也鉏之耨之徐廣曰耨  
除也口得所嗜目得所美身受

其利以是觀之非彊不至故曰田者不彊困倉不

盈正義曰說文云圓者  
謂之困方者謂之廩商賈不彊不得其贏婦女

不彊布帛不精官御不彊其勢不成大將不彊卒

不使令侯王不彊沒世無名故云彊者事之如也

分之理也物之紀也所求於彊無不有也王以爲

不然王獨不聞玉積玆雉徐廣曰隻  
一作雙出於昆山明

月之珠出於四海鑄石拌蚌索隱曰  
拌割也傳賣於市聖

人得之以爲大寶子龍曰珠玉與龜同爲  
國之鎮寶故比類焉大寶所

在乃爲天子今王自以爲暴不如拌蚌於海也自

以爲彊不過鑄石於昆山也取者無咎寶者無患

今龜使來抵網而遭漁者得之見夢自言是國之

寶也王何憂焉元王曰不然寡人聞之諫者福也



董份曰此段文古

諛者賊也。人主聽諛，是愚惑也。雖然禍不妄至。福不徒來。天地合氣，以生百財。陰陽有分，不離四時。亦有二月，日至為期。聖人徹焉，身乃無災。明王用之，人莫敢欺。故云福之至也，人自生之。禍之至也，人自成之。禍與福同，刑與德雙。聖人察之，以知吉凶。桀紂之時，與天爭功，擁遏鬼神，使不得通。是固已無道矣。諛臣有衆，桀有諛臣，名曰趙梁，教為無道。勸以貪狼，繫湯夏臺，殺關龍逢。左右恐惡，偷諛於傍。國危於累卵，皆曰無傷。稱樂萬歲，或曰未與。

蔽其耳目，與之詐狂。湯卒伐桀，自死國亡。聽其諛

臣，身獨受殃。春秋著之，至今不忘。紂有諛臣，名為

左彊，誇而目巧，教為象郎。禮記曰：目巧之室，鄭玄曰：但謂目巧善意作室。

不繇法度，許慎曰：象牙郎。○子維曰：郎之與廊，古字通用也。象郎似以象節室之名，或作繪象，如後世畫室之意。二義俱通。觀後園之象郎，知定是室也。將至於天。又有玉牀，犀

王之器，象箸而羹。索隱曰：記曰：羹之有菜者，謂羹也。按者，謂也。聖人剖其

心，壯士斬其脰。脰音備，脚脰也。箕子恐去，被髮佯狂。殺周

太子歷，囚文王昌，投之石室。索隱曰：按殺周太子歷，在囚文王昌之上。

則近是季歷，季歷不被紂誅，則其言近妄。無容周更別有太子名歷也。○孚遠曰：是伯邑考之誤也。

史記 卷一百一十三 龜策列傳 三



將以昔至明陰兢治之

徐廣曰。兢一作競。索隱曰。陰姓。兢名也。與之

俱亡。入於周地。得太公望。與率聚兵。與紂相攻。文

王病歿。載尸以行。太子發代將。號為武王。戰於牧

野。破之。華山之陽。紂不勝。敗而還走。圍之。象郎自

殺宣室。

徐廣曰。天子之居名曰宣室。

身歿不葬。

頭懸車軫。四馬

曳行。寡人念其如此。腸如涪湯。

徐廣曰。涪音一作沸。是人

皆富有天下。而貴至天子。然而大傲。欲無厭時。舉

事而喜高。貪狼而驕。不用忠信。聽其諛臣。而為天

下笑。今寡人之邦。居諸侯之間。曾不如秋毫舉事

不當。又安亡逃。衛平對曰。不然。河雖神賢。不如崑

崙之山。江之魚。理不如四海。而人尚奪取其寶。諸

侯爭之。兵革為起。小國見亡。大國危殆。殺人父兄。

虜人妻子。殘國滅廟。以爭此寶。戰攻分爭。是暴彊

也。故云。取之以暴彊。而治以文理。無逆四時。必親

賢士。與陰陽化。鬼神為使。通於天地。與之為友。諸

侯賓服。民衆殷喜。邦家安寧。與世更始。湯武行之。

乃取天子。春秋著之。以為經紀。王不自稱湯武。而

自比桀紂。為暴彊也。固以為當。桀為瓦室。

世本曰。昆吾作



陶張華博物記亦云桀作紂為象郎徵絲灼之務瓦蓋是昆吾為桀作也

以費民索隱曰灼謂燔也燒賦斂無度殺戮無方

殺人六畜以韋為囊囊盛其血與人懸而射之與

天帝爭疆逆亂四時先百鬼嘗諫者輒歿諛者在

傍聖人伏匿百姓莫行天數枯旱國多妖祥螟蟲

歲生五穀不成民不安其處鬼神不享飄風日起

正晝晦冥日月並蝕滅息無光列星奔亂皆絕紀

綱以是觀之安得久長雖無湯武時固當亡故湯

伐桀武王克紂其時使然乃為天子子孫續世終

身無咎後世稱之至今不已是皆當時而行見事

而彊乃能成其帝王今龜大寶也為聖人使傳之

賢士不用手足雷電將之風雨送之流水行之侯

王有德乃得當之今王有德而當此寶恐不敢受

王若遣之宋必有咎後雖悔之亦無及已元王大

悅而喜於是元王向日而謝索隱曰蓋欲神之以謝天之質向日者天

之光明著再拜而受擇日齋戒甲乙最良乃刑白

雉及與驪羊以血灌龜於壇中央以刀剝之身全

不傷脯酒禮之橫其腹腸荆支卜之必制其劍正義



種一校曰  
神龜能見  
夢於元王  
而不能自  
成於鋒刃  
比太史公

意微

日音理達於理。文相錯迎。使工占之。所言盡當。邦

福重寶。徐廣曰。福音副。藏也。聞於傍鄉。殺牛取革。被鄭之桐。

徐廣曰。牛革桐為鼓也。草木畢分。化為甲兵。戰勝攻取。莫如

元王。元王之時。衛平相宋。宋國最彊。龜之力也。故

曰。神至能見夢於元王。而不能自出漁者之籠。身

能十言盡當。不能通使於河。還報於江。賢能令人

戰勝攻取。不能自解於刀鋒。免剝刺之患。聖能先

知亟見。而不能令衛平無言。言事百全。至身而孿。

當時不利。又焉事賢。賢者有恒嘗。士有適然。是故

明有所不見。聽有所不聞。人雖賢。不能左畫右

畫圓。日月之明。而時蔽於浮雲。弄名善射。不如雄

渠蠡門。新序曰。楚雄渠子夜行。見伏石當道。以為

逢蒙門子之巧。劉歆禹名。為辨智。而不能勝鬼神。

地柱折。天故毋掾。又柰何。責人於全。孔子聞之曰。

神龜知吉凶。而骨直空枯。正義曰。凡龜其骨空中

河東亦然。日為德。而君於天下。辱於三足之鳥。月為刑

而相佐。見食於蝦蟇。蝟辱於鵲。郭璞曰。蝟能制

蛇之神。而殆於即且。郭璞曰。騰蛇龍屬也。○正義



而大竹外有節理中直空虛松柏為百木長而守

門閭日辰不全故有孤虛甲乙謂之卯子丑謂之辰六甲孤虛法甲子旬

中無戌亥戌亥即為孤辰巳即為虛甲戌旬中無

申酉申酉為孤寅卯為虛甲申旬中無午未午未

為孤子丑即為虛甲午旬中無辰巳辰巳為孤戌

亥即為虛甲辰旬中無寅卯寅卯為孤申酉即為

虛甲寅旬中無子丑子丑為孤午未即

為虛劉歆七略有風后孤虛二十卷黃金有疵

白玉有瑕事有所疾亦有所徐物有所拘亦有所

據罔有所數亦有所疎人有所貴亦有所不如何

可而適乎物安可全乎天尚不全故世為屋不歲

三瓦而陳之正義曰言為屋不成欠三以應之天

天下有階物不全正義曰言萬物及日月星辰皆不能全喻龜之不全也

生也

褚先生曰漁者與網而得神龜龜自見夢宋元王

元王召博士衛平告以夢龜狀平運式定日月分

衡度視吉凶占龜與物色同平諫王留神龜以為

國重寶美矣古者筮必稱龜者以其令名所從來

久矣余述而為傳

三月 二月 正月 十二月 十一月

者日月之龜渡下十二黑點為十二月若二十八宿龜也

和順曰  
丹述此  
較甚無

龜策列傳

七



中關內高外下。○正義曰：此等四月首仰索隱曰：音魚兩

反謂兆足開索隱曰：音琴於於開謂兆足斂也首俛大音魚兩

日俛音免五月橫吉首俛大正義曰：音免謂兆

首俛大六月七月八月九月十月

卜禁日。子亥戌不可以卜。及殺龜日中如食。巳卜

暮昏龜之微也。索隱曰：微音呼。謂微繞不明也。不可以卜。庚辛可

以殺。及以鑽之。嘗以日旦被龜。索隱曰：被音廢。又音拂。拂洗之。以水

雞卵摩之而祝先以清水漂之。以卵被之。正義曰：以嘗月朝清水洗之。以

雞卵摩而祝之乃持龜而逐之。若嘗以為祖。徐廣曰：一作視。○索隱曰：

以為嘗法。人若巳卜不中皆被之以卵。東向立。灼

以荆。若剛木土。索隱曰：按古之灼龜取生荆枝。及牛堅木燒之。斬斷以灼龜。按土字

合依劉氏說。卵指之者三。正義曰：言卜不中以土當連下句。三為卵。三度指之。三周繞

之用厭。持龜以卵周環之。祝曰：今日吉。謹以梁卵

煇黃。索隱曰：梁米也。○正義曰：煇音題。煇焦也。言以梁米雞卵。被去龜之不祥。令灼之不焦。不

黃若色焦及黃。被去玉靈之不祥。玉靈必信。以誠

知萬事之情。辨兆皆可占。不信不誠。則燒玉靈揚

其灰。以徵後龜。其卜必北向。龜甲必尺二寸。

龜不列傳



卜先以造徐廣曰音竈也灼鑽索隱曰造謂燒荆鑽中已

又灼龜首各三。又復灼所鑽中曰正身。灼首曰正

足。徐廣曰一作止各三。即以造三周。龜祝曰。假之玉靈夫

子。索隱曰尊神龜而為之作號夫子玉靈。荆灼而心。今而先知。

而上行於天。下行於淵。諸靈數剝。徐廣曰音策莫如汝

信。今日良日。行一良貞。徐廣曰一作身其欲卜。某即得

而喜。不得而悔。即得發鄉。我身長大。手足收人。皆

上偶。不得發鄉。我身挫折。中外不相應。手足滅去。

靈龜卜祝曰。假之靈龜。五筮五靈。不知神龜之靈。

知人死。知人生。某身良。某欲求某物。即得也。頭見

足發。內外相應。即不得也。頭仰足脰。內外自隨。可

得占。

卜占病者。祝曰。今某病困死。首上開。內外交駭。身

節折不死。首仰足脰。卜病者。崇曰。今病有崇。無呈

無崇。有呈。兆有中崇。有內外崇。有外

卜繫者。出不出。不出橫吉。安若。出足開。首仰有外

卜求財物。其所當得。得首仰足開。內外相應。即不

得呈。兆首仰足脰。



卜有賣若買臣妾馬牛得之首仰足開內外相應  
不得首仰足脰呈兆若橫吉安。

卜擊盜聚若干人在某所今某將卒若干人往擊  
之當勝首仰足開身正內自橋外下不勝足脰首  
仰身首內下外高。

卜求當行不行行首足開不行足脰首仰若橫吉  
安安不行。

卜往擊盜當見不見見首仰足脰有外不見足開  
首仰。

卜往候盜見不見見首仰足脰脰勝有外不見足  
開首仰。

卜聞盜來不來來外高內下足脰首仰不來足脰  
首仰若橫吉安期之自次。

卜遷徙去心不去去足開有脰外首仰不去自去  
卽足脰呈兆若橫吉安。

卜居官尚吉不吉呈兆身正若橫吉安不吉身節  
折首仰足開。

卜居室家吉不吉吉呈兆身正若橫吉安不吉身



折節首仰足開。

卜歲中禾稼孰不孰。孰首仰足開內外自橋外自

垂。不孰足脰首仰有外。

卜歲中民疫不疫。疫首仰足脰身節有彊外。不疫

身正首仰足開。

卜歲中有兵無兵。無兵呈兆若橫吉安。有兵首仰

足開身作外彊情。

卜見貴人吉不吉。吉足開首仰身正內自橋。不吉

首仰身節折足脰有外若無漁。

卜請謁於人得不得。得首仰足開內自橋。不得首

仰足脰有外。

卜追亡人當得不得。得首仰足脰內外相應。不得

首仰足開若橫吉安。

卜漁獵得不得。得首仰足開內外相應。不得足脰

首仰若橫吉安。

卜行遇盜不遇。遇首仰足開身節折外高內下。不

遇呈兆。

卜天雨不雨。雨首仰有外外高內下。不雨首仰足



開若橫吉安。

卜天雨霽不霽。霽呈兆足開首仰。不霽橫吉命曰橫吉安。以占病病甚者。一日不效。不甚者卜日瘳。不效繫者重罪不出。輕罪環出。過一日不出。久毋傷也。求財物買臣妾馬牛。一日環得。過一日不得。不得行者不行。來者環至。過食時不至。不來。擊盜不行。行不遇。聞盜不來。徙官不徙。居官家室皆吉。歲稼不孰。民疾疫無疫。歲中無兵。見人行不行。不喜。請謁人不可不得。追亡人漁獵不得。行不遇盜。雨不雨。霽不霽。

命曰。呈兆病者不死。繫者出。行者行。來者來。市買得。追亡人得。過一日不得。問行者不到。

命曰。柱徹卜病不效。繫者出。行者行。來者來。而市買不得。憂者毋憂。追亡人不得。

命曰。首仰足脰。有內無外。占病病甚不死。繫者解。求財物買臣妾馬牛不得。行者聞言不行。來者不來。聞盜不來。聞言不至。徙官聞言不徙。居官有憂。居家多災。歲稼中孰。民疾疫多病。歲中有兵。聞言



不開見貴人言請謁不行行不得善言追亡人不  
得漁獵不得行不遇盜雨不雨甚霽不霽故其莫  
字皆爲首備問之曰備者仰也故定以爲仰此  
記也

命曰首仰足脰有內無外占病病甚不歿繫者不  
出求財買臣妾不得行者不行來者不來繫盜不  
見聞盜來內自驚不來徙官不徙居官家室吉歲  
稼不孰民疾疫有病甚歲中無兵見貴人吉請謁  
追亡人不得亡財物財物不出得漁獵不得行不

遇盜雨不雨霽不霽凶

命曰呈兆首仰足脰以占病不歿繫者未出求財  
物買臣妾馬牛不得行不行來不來繫盜不相見  
聞盜來不來徙官不徙居官久多憂居家室不吉  
歲稼不孰民病疫歲中毋兵見貴人不吉請謁不  
得漁獵得少行不遇盜雨不雨霽不霽不吉  
命曰呈兆首仰足脰以占病病篤歿繫囚出求財  
物買臣妾馬牛不得行者行來者來擊盜不見盜  
聞盜來不來徙官徙居官不久居家室不吉歲稼



史記 卷之六 三  
不孰。民疾疫有而少。歲中無兵。見貴人。不見吉。請  
謁追亡人。漁獵不得。行遇盜。雨不雨。霽。小吉。

命曰。首仰足胎。以占病。不疾。繫者久。毋傷也。求財  
物。買臣妾馬牛。不得。行者不行。擊盜不行。來者來。  
聞盜來。徙官聞言不徙。居家室不吉。歲稼不孰。民  
疾疫少。歲中毋兵。見貴人。得見。請謁追亡人。漁獵  
不得。行遇盜。雨不雨。霽不霽。吉。

命曰。首仰足開。有內以占病者。死。繫者出。求財物  
買臣妾馬牛。不得。行者行。來者來。擊盜行。不見盜。  
聞盜來。不來。徙官徙居。官不久。居家室不吉。歲孰。  
民疾疫有而少。歲中毋兵。見貴人。不吉。請謁追亡  
人。漁獵不得。行不遇盜。雨霽。霽小吉。霽吉。

命曰。橫吉。內外自橋。以占病。卜曰。繫者毋  
罪出。求財物。買臣妾馬牛。得。行者行。來者來。擊盜  
合交等。聞盜來來。徙官徙居家室。言歲孰。民疫無  
疾。歲中無兵。見貴人。請謁追亡人。漁獵得。行遇盜。  
雨霽。雨霽。大吉。

命曰。橫吉。內外自吉。以占病。病者久。繫不出。求財



物買臣妾馬牛追亡人漁獵不得行者不來擊盜不相見聞盜不來徙官徙居官有憂居家室見貴人請謁不吉歲稼不孰民疾疫歲中無兵行不遇盜雨不雨霽不霽不吉。

命曰漁人以占病者病者甚不疾繫者出求財物買臣妾馬牛擊盜請謁追亡人漁獵得行者行來聞盜來不來徙官不徙居家室吉歲稼不孰民疾疫歲中毋兵見貴人吉行不遇盜雨不雨霽不霽吉。

命曰首仰足脰內高外下以占病病者甚不疾繫者出求財物買臣妾馬牛請謁追亡人漁獵得行者行來者來擊盜相見不相合聞盜來來徙官徙居家室憂見貴人吉歲孰民毋疾疫歲中毋兵行不遇盜雨不雨霽霽吉。

命曰根格以占病者不疾繫久毋傷求財物買臣妾馬牛請謁追亡人漁獵不得行不行來不來擊盜盜行不合聞盜不來徙官不徙居家室吉歲稼



中民疾疫無死。見貴人不得見。行不遇盜。雨不雨大吉。

命曰。首仰足胛外高內下。卜有憂無傷也。行者不來。病久死。求財物不得。見貴人者吉。

命曰。外高內下。卜病不疾。有祟而市買不得。居官宗室不吉。行者不行。來者不來。繫者父母傷吉。

命曰。頭見足發有內外相應。以占病者起。繫者出行者行。來者來。求財物得吉。

命曰。呈兆首仰足開。以占病病甚疾。繫者出。有憂求財物買臣妾馬牛請謁追亡人漁獵不得。行行

不行。來不來。擊盜不合。聞盜來來。徙官居官家室不吉。歲惡。民疾疫無疾。歲中毋兵。見貴人不吉。行

不遇盜。雨不雨。霽不吉。命曰。呈兆首仰足開外高內下。以占病不疾。有外

祟。繫者出。有憂。求財物買臣妾馬牛相見不會。行

行來。聞言不來。擊盜勝。聞盜來不來。徙官居官家室見貴人不吉。歲中民疾疫有兵。請謁追亡人漁獵不得。聞盜遇盜。雨不雨。霽凶。



命曰首仰足脰身折內外相應以占病病甚不死  
繫者久不出求財物買臣妾馬牛漁獵不得行不  
行來不來擊盜有用勝聞盜來來徙官不徙居官  
家室不吉歲不孰民疾疫歲中有兵不至見貴人  
喜請謁追亡人不得遇盜凶。

命曰內格外垂行者不行來者不來病者死繫者  
不出求財物不得見人不見大吉。

命曰橫吉內外相應自橋榆仰上柱上柱足足脰  
以占病病甚不死繫久不抵罪求財物買臣妾馬  
牛請謁追亡人漁獵不得行不行來不來居官家  
室見貴人吉徙官不徙歲不大孰民疾疫有兵有  
兵不會行遇盜聞言不見雨不雨霽霽大吉。

命曰頭仰足脰內外自隨卜憂病者甚不死居官  
不得居行者行來者不來求財物不得求人不得  
吉。

命曰橫吉下有柱卜來者來卜日即不至未來卜  
病者過一日毋瘳死行者不行求財物不得繫者  
出。



命曰橫吉。內外自舉。以占病者。久不死。繫者久不出。求財物得而少。行者不行。來者不來。見貴人見吉。

命曰。內高外下。疾輕足發。求財物不得。行者行。病者有瘳。繫者不出。來者來。見貴人不見吉。命曰。外格。求財物不得。行者不行。來者不來。繫者不出。不吉。病者死。求財物不得。見貴人見吉。

命曰。內自舉。外來正足。發者行。來者來。求財物得。病者久不死。繫者不出。見貴人見吉。

此橫吉。上柱外內。內自舉。足於以上。有求得。病不。死。繫者毋傷。未出行。行不行。來不來。見人。不見。車。盡吉。

此橫吉。上柱外內。內自舉。柱足以作。以下有求得。病。死。環起。繫。留毋傷。環出行。行不行。來不來。見人。不見。百事吉。可以舉兵。

此挺詐。有外以下。有求不得。病不死。數起。繫禍。罪。聞言毋傷。行不行。來不來。

此挺詐。有內以下。有求不得。病不死。數起。留禍。罪。



無傷。繫出行不行。來者不來。見人不見。

此挺詐內外自舉。以下有求得。病不歿。繫毋罪。行

行來來。田賈市漁獵盡喜。

此狐貉以下。有求不得。病歿難起。繫留毋罪。難出。

可居宅。可娶婦嫁女。行不行。來不來。見人不見。有

憂不憂。

此狐徹以下。有求不得。病者歿。繫留。有抵罪。行不

行。來不來。見人不見。言語定。百事盡不吉。

此首俯足。脰身節折以下。有求不得。病者歿。留繫

有罪。繫行者不來。行行來不來。見人不見。

此挺內外自垂以下。有求不悔。病不歿。難起。繫留

毋罪。難出行不行。來不來。見人不見。不吉。

此橫吉。偷仰首俯。以下有求難得。病難起。不歿。繫

難出。毋傷也。可居家室。以娶婦嫁女。

此橫吉。上柱載。正身節折。內外自舉。以下病者卜

日不歿。其一日乃歿。

此橫吉。上柱足脰。內自舉。外自垂。以下病者卜日

不死。其一日乃歿。



為人病首俯足詐有外無內病者。占龜未已急求  
卜輕失大。一日不效。

首仰足脰以下有求不得。以繫有罪。人言語恐之  
毋傷。行不行。見人不見。

大論曰。

索隱曰。按褚先生所取太卜雜占卦體及命召之辭。義無辭重。殆無足採。凡此六十

七條別

是也。外者人也。內者自我也。外者女也。內者男

也。首俛者憂。大者身也。小者枝也。大法病者足脰

生足開者死。行者足開至足脰者不至。行者足

脰不行。足開行有求。足開得足脰者不得。繫者足

脰不出。開出。其卜病也。足開而死者內高而外下

也。

索隱述贊曰。三王異龜。五帝殊卜。或長或短。若瓦  
若玉。其記已亡。其繇後續。江使觸網。見留宋國。神  
能託夢。不  
衛其足。

此書存  
生所補存  
之可以見  
太卜之舊  
但似秦漢  
間書非三  
代書也

史記卷之一百二十八 終



史記卷之百二十九

徐孚遠  
華亭  
陳子龍  
測議

貨殖列傳第六十九

索隱曰論語云賜不受命而貨殖焉廣雅云殖立也孔安國註尚書云殖生也生資貨財利也

老子曰至治之極鄰國相望正義曰音亡鷄狗之聲相聞

民各甘其食美其服安其俗樂其業至老死不相往

來必用此為務輒近世塗民耳目則幾無行矣索隱曰輒

音晚右字通用

楊慎曰將信已說而先引老子取之以為必不然此便更釋文乎也



太史公曰。夫神農以前。吾不知已。至若詩書所述。虞夏以來。耳目欲極聲色之好。口欲窮芻豢之味。身欲逸樂而心誇矜勢能之榮。使俗之漸民久矣。雖戶說以眇論。終不能化。索隱曰。眇音妙。論如字。故善者因之。其次利道之。其次教誨之。其次整齊之。最下者與之。乘其

農分曰。按教誨猶順也。齊則

西饒村竹叢編

索隱曰。穀音谷。雖反。故其音。此言

山西蓋指褒漢之間。故多材竹也。

施玉石。山東多

魚鹽漆絲聲色。

子龍曰。聲色指美女。亦列於貨物矣。

江南出柃梓。索隱曰。南

音。二

薑桂金錫連。

徐廣曰。音蓮。鈔之未鍊者。

丹沙犀瑋瑁珠璣齒

革。龍門碣石

正義曰。龍門山在徐州龍門縣。碣石山在平州盧龍縣。

比多馬牛

羊旃裘筋角。銅鐵則千里往往山出。碁置

山。我曰。碁置

山方千里如圍碁之置也。管子云。凡天下名山五千二百七十。出銅之山四百六十七。出鐵之山三千六百有九。山上赭。其下有鐵。山上有鉛。其下有銀。山上有銀。其下有丹。山上有磁石。其下有金也。此其

大較也。

索隱曰。大較。猶大畧也。

皆中國人民所喜好。謠俗被服

飲食奉生送死之具也。故待農而食之。虞而出之。工而成之。商而通之。此寧有政教發徵期會哉。人各任

其能。竭其力以得所欲。故物賤之徵貴。

索隱曰。徵者。求也。謂此處

物賤。求彼

貴之徵賤。各勸其業。樂其事。若水之趨下。

劉辰翁曰。貴之徵賤。易見。賤之徵貴。難知。

史記

卷一百一十五

貨殖列傳

二



日夜無休時。不召而自來。不求而民出之。豈非道之所符而自然之驗邪。索隱曰符謂合於道也。周書曰農不出則

乏其食。工不出則乏其事。商不出則三寶絕。虞不出則財匱少。財匱少而由澤不辟矣。索隱曰辟開也通也。此四者

民所衣食之原也。原大則饒。原小則鮮。上則富國。下則富家。貧富之道莫之奪予。而巧者有餘。拙者不足。

故太公望封於營丘。地瀉鹵。徐廣曰瀉鹵鹹地也。人民寡。於是太公勸其女功。極技巧。通魚鹽。則人物歸之。繼至而

輻湊。故片冠帶。衣服天下。海岱之間。歛袂而往。輿焉。索隱曰言齊既富饒。能冠帶天下。豐厚被於他邦。故海岱之間歛袂而朝齊。言趨利者也。

中衰。管子修之。設輕重九府。正義曰管子云輕重謂法。周有大府王府內府外府天府職。內職金皆掌財幣之官。故云九府也。則桓公以霸。凡

合諸侯。一匡天下。而管氏亦有二歸。位在陪臣。富於列國之君。是以齊富疆。至於威宣也。故曰倉廩實而

知禮節。衣食足而知榮辱。禮生於有而廢於無。故君子富好行其德。小人富以適其力。淵深而魚生之。山

深而獸往之。人富而仁義附焉。富者得勢益彰。失勢則客無所之。以而不樂。夷狄益甚。諺曰千金之子不



歸有光曰  
此非有激  
安得如此  
云

歿於市。此非空言也。故曰：天下熙熙，皆為利來。天下壤壤，皆為利往。夫千乘之王，萬家之侯，百室之君，尚

有患貧，而况匹夫編戶之民乎。子遠曰：此言

昔者越王勾踐困於會稽之上，乃用范蠡計然。徐廣曰：計然者，范蠡之師也。名研，故諺曰：研桑心算。駟案：范

曰：計然者，葵丘濮上人，姓辛氏，字文子，其先晉國亡

公子也。嘗南游於越。范蠡師事之。○索隱曰：計然，吳

越春秋謂之計倪。漢書古今人表：計然列在第四。則

倪相與研是一人。計然曰：知闕則修備，時用則知物

索隱曰：言知二者形，則萬貨之情可得而觀也。故歲

時所用之物。在金穰水毀木饑火旱。索隱曰：五行不

說土者土穰也。旱則資舟，水

則資車。索隱曰：國語大夫種曰：賈物之理也。六歲穰

六歲旱，十二歲一大饑。夫糶二十病農，九十病末。索

曰：言米賤則農人病也。故云病農。若末病則財不出。

米斗直九十則商賈病。故云病末。農病則草不辟矣。土不過八十，下不減三十，則農末

俱利。平糶齊物，關市不乏，治國之道也。積蓄之理務

完物無息幣。索隱曰：久停息以物相質易，腐敗而食

之貨勿留，無敢居貴，論其有餘不足，則知貴賤。貴上

極則反賤，賤下極則反貴。貴出如糞土，賤取如珠玉。

索隱曰：貴出如糞土者，既極貴後恐其必賤，故乘時

出之如糞土，賤取如珠玉者，既極賤後恐其必貴，故

貨殖列傳

貨殖列傳

貨殖列傳

貨殖列傳

貨殖列傳

貨殖列傳

貨殖列傳

貨殖列傳

貨殖列傳

抄二十  
九十八  
半三十  
皆言斗

稷完者  
無不有  
也息幣

即無藏  
聖洪先曰

予讀貴殖  
便見所謂

人取我與  
語遂悟為  
盜學

知人所  
不能知為



文能用人  
所不能  
用此意也

何良俊曰  
范蠡列在  
貨殖傳

等以載貨  
殖事若伯  
越諸謀

與越事相  
連者則附  
見越世家

正其救中  
子殺人亦  
亦附在後

此皆太史  
公作史法

史記

卷之五

四

乘時取之如珠玉財幣欲其行如流水修之十年國

富厚賂戰士士赴矢石如渴得飲遂報疆吳觀兵中

國稱號五霸范蠡既雪會稽之恥乃喟然而歎曰計

然之策七越用其五而得意既已施於國吾欲用之

家乃乘扁舟索隱曰國語云浮於江湖變名易姓適

齊為鴟夷子皮索隱曰大顏云若盛酒之鴟夷也則

不忤於之陶為朱公正義曰括地志云即陶山在齊

陽也今南五里猶有朱公冢又云曹州濟陽縣東南

三里陶朱公冢又云在魯南郡華容縣西未詳也

朱公以為陶天下之中諸侯四通貨物所交易也乃

治產積居與時逐索隱曰韋昭云隨時逐利也而不責於人索隱曰

謂擇人而與人不負故善治生者能擇人而任時十

九年之中三致千金再分散與貧交疏昆弟此所謂

富好行其德者也後年衰老而聽子孫子孫修業而

息之遂至巨萬徐廣曰萬萬也故言富者皆稱陶朱公

子贛既學於仲尼退而仕於衛廢著鬻財於曹魯之

間徐廣曰子贛傳云廢居也○七十子之徒索隱曰漢書亦作賒說文公貯積也

賜最為饒益原憲不厭糟糠索隱曰饜飽也匿於窮巷子貢

結駟連騎束帛之幣以聘享諸侯所至國君無不分

史記

卷之五 貨殖列傳

五



庭與之抗禮。夫使孔子名布揚於天下者，子貢先後之也。此所謂得勢而益彰者乎。

白圭，周人也。當魏文侯時，李克務盡地方。索隱曰：案漢書食貨

志：李悝為魏文侯作盡地力之教。國以富彊，今此以漢書言克皆誤也。而白圭樂觀時

變，故人棄我取，人取我與。夫歲孰取穀，予之絲漆，

出取帛絮，與之食。索隱曰：食謂穀也。○子龍曰：此即平準之所自出也。太陰在

卯穰，正義曰：太陰歲後二辰為太陰。明歲衰惡，至午旱，明歲美，至酉

穰，明歲衰惡，至子大旱，明歲美，有水，至卯積著，率正義

日貯律二音。歲倍，欲長錢，取穀長石斗，取上種，能薄飲

食，忍嗜欲，節衣服，與用事僮僕同苦樂，趨時若猛獸，

擊鳥之發，故曰：吾治生產，猶伊尹、呂尚之謀，孫吳用

兵，商鞅行法是也。是故其智不足與權變，勇不足以

決斷，仁不能以取予，疆不能有所守，雖欲學吾術，終

不告之矣。蓋天下言治生，祖白圭，白圭其有所試矣。

能試有所長，非苟而已也。

倚頓用鹽起。孔叢子曰：頓，魯之窮士也。耕則嘗饑，桑則嘗寒，聞朱公富，往而問術焉。朱

公告之曰：子欲速富，當畜五特，於是乃適西河大畜

牛羊於猗氏之南，十年之間，其息不可計。賈擬王公，

地名天下，以與富於猗氏，故曰猗頓。○索隱曰：鹽音

舌。○正義曰：按猗氏，蒲州縣也。河東鹽池是畦鹽，作

貨殖列傳

六

倪思曰：樂  
稅時變與  
盡地力相  
遂雖以此  
治天下可  
也。人棄我  
取人取我  
與亦老  
之所未



畦若種莖一畦大雨下池中。鹹淡得均。即畎。畦中水  
上畔中深一尺許。坑日暴之。五六日。則成鹽。若白礬  
石。而邯鄲郭縱以鐵冶成業。與王者埒富。烏氏僦

曰。烏氏縣名。屬安定。僦。名也。畜牧及衆。斥賣求奇。繒物。問獻遺戎

王。索隱曰。謂畜物也。間獻猶私獻也。戎王什倍其

償。與之畜。索隱曰。謂戎王償畜。至用谷量馬牛。韋昭

谷。則具。秦始皇帝令僦比封君。子龍曰。此必奉上帝命

能無犯闕。出財物之禁乎。以時與列臣朝請。而巴蜀

寡婦清。索隱曰。漢書作巴寡婦。其先得丹穴。徐廣曰

丹。正義曰。括地志云。寡婦清臺山。俗名。而擅其利

數世家亦不訾。正義曰。音子兒反。訾。清寡婦也。能守

其業。用財自衛。不見侵犯。秦皇帝以為貞婦。而客之

為築女懷清臺。夫僦鄙人。長清窮鄉寡婦。禮抗萬

乘。名顯天下。豈非以富邪。內為一。開關梁。弛

山澤之禁。是以富商大賈。流天下。交易之物。莫不

通得。其所欲。而徙豪傑。諸侯。疆族於京師。關中自汧

雍。以東至河華。膏壤沃野千里。自虞夏之貢。以為上

田。而公劉適邠。太王。王季在岐。文王作豐。武王治鎬。

故其民猶有先王之遺風。好稼穡。殖五穀。言本富為

按今西  
北邊關  
亦時有  
之

大因  
一因

此多感  
之言

此多感  
之言

此多感  
之言

資殖列傳



也。地重。索隱曰：言重於耕稼也。重為邪。索隱曰：重者難也。及

支孝繆居雍隙。徐廣曰：隙者間孔也。地居隴蜀之貨

物而多賈。獻孝公徙櫟邑。徐廣曰：櫟邑北卻戎翟東

通三晉亦多大賈。武昭治咸陽因以漢都長安諸陵

四方輻湊並至而會。地小人聚故其民益玩巧而事

末也。南則巴蜀巴蜀亦沃野地饒厄。徐廣曰：音支。烟

薑丹沙石銅鐵。徐廣曰：邛都出鐵。竹木之器南御滇爨

爨僮西近邛笮笮馬苑牛然。塞棧道千里無所不

通。唯襄斜縮散其口。索隱曰：言襄斜道狹縮其道口。有若車轍之湊散云縮散也。

以所多易所鮮。索隱曰：言以所多易其所少。天水隴西北地上郡

與關中同俗。然西有羌中之利北有戎翟之畜畜牧

為天下饒然地亦窮險。唯京師要其道。正義曰：要音

也。故關中之地於天下三分之一而入衆不過什三

然量其富什居其一。字遠曰：言隴蜀之貨皆昔唐人

都河東。徐廣曰：堯都晉陽也。殷人都河內。正義曰：盤庚都殷

人都河南。正義曰：周自平王已上都洛陽。夫三河在天下之中若鼎

足王者所更居也。建國各數百千歲土地小狹民人

衆都國諸侯所聚會故其俗織儉習事。楊平陽陳西



賈秦翟

正義曰秦關內也翟黑石等州部北賈種後落稽也延綏銀三州皇白翟所居

正義曰種在恒州石邑縣北蓋蔚州也代今代州

種代石北也徐廣曰石邑縣也在常山

○索隱曰楊平陽二邑名在趙之西陳蓋衍字以下有楊平陽陳椽因此行也言二邑之人皆西賈於秦翟北賈於種代種

代在石邑之北也地邊胡數寇人民矜慎怯

音概怯音寘好氣任俠為姦不事農商然迫近北夷師旅

亟往中國委輸時有奇羨

索隱曰謂時有餘衍也○子龍曰用兵之地貧財所

聚民得以貿易獲利其民羯夷不均徐廣曰皆健羊

即今世往往然也音已統反羯音慈紀反言其方人性若羊捷捍而不均也日全晉之時固已患其

僿悍而武靈王益厲之其謹猶有趙之風也故揚

陽陳椽其間得所欲

索隱曰陳椽猶經營馳逐也溫軹西賈

正義曰澤潞等州也北賈趙中山

索隱曰溫軹二中山地薄縣名屬河內

衆猶有沙丘紂淫地餘民

音灼曰言地薄人衆猶復有沙丘紂淫地餘民

係之於滏而言之民俗懷急徐廣曰懷急也音緝一作懷仰機利而食

夫相聚遊戲悲歌忼慨起則相隨椎剽索隱曰椎即椎煞人

剽之休則掘冢作巧奸冶徐廣曰多美物一作弄美

為倡優女子則鼓鳴瑟跕履徐廣曰跕音枯張晏曰跕履也瓚曰躡跟

遊媚貴富入後宮偏諸侯然邯鄲亦漳河之間

義曰洛水本名水邯鄲在其地一都會也北通燕涿南有鄭衛鄭

七

貨殖列傳

九



俗與趙相類。然近梁魯微重而矜節。徐廣曰矜一作務

之邑徙野王。正義曰秦拔衛濮陽徙其君於懷州野王野王好氣任

之風也。夫燕亦勃碣之間。正義曰勃海一都會碣石在西北

通齊趙東北邊胡。上谷至遼東地踔遠。索隱曰踔氏踔音占

民希數被寇。大與趙代俗相類。而民離悍少慮。

言如脚也有魚鹽棗栗之饒。北鄰烏桓夫餘。索隱曰夫餘

提也東縮薇器朝鮮真番之利。索隱曰縮者縮

之義他並知北者謂亦背之也。其要津則上云

勝東賈齊魯南賈梁楚故泰山之陽則魯其陰則

齊齊帶山海。徐廣曰齊世家曰齊自泰山屬之琅琊北被於海膏壤二千里其民開達多勝

智膏壤千里宜桑麻。人民多文綵布帛魚鹽臨菑亦

海岱之間一都會也。其俗寬緩闊達而足智好議論。

地重難動搖怯於衆鬪勇於持刺故多劫人者。大國

之風也。其中具五民。服虔曰士農商工賈也如淳曰游于樂其俗不復歸故有五方

民而鄒魯濱洙泗猶有周公遺風俗好儒備於禮故

其民齷齪頗有桑麻之業無林澤之饒地小人衆儉

嗇畏罪遠邪及衰好賈趨利甚於周人夫目鴻溝以

東。徐廣曰芒碭以北徐廣曰今屬巨野正義曰鄆州在滎陽

勝慎口按多劫人者大國之風此語若無者而有餘味與不勇不成京師意同地大物眾決無或我登齊之理商君則以慈之而敗也

貨殖列傳



余有丁曰  
野澤也  
此宋也  
徐廣曰今陶之浚儀○正義曰鴻溝  
也  
北其中又  
分都會即  
如禹貢分  
其山其水  
為某州者  
田其膏中  
包括輿地  
已蓋如行  
旅逐勝可  
畫為圖故  
言縷縷  
欲斷欲續  
不可分界  
而又無所  
不載如此

身言

卷之三

一

野澤也。此宋也。徐廣曰今陶之浚儀。○正義曰鴻溝也。北其中又分都會即如禹貢分其山其水為某州者田其膏中包括輿地已蓋如行旅逐勝可畫為圖故言縷縷欲斷欲續不可分界而又無所不載如此

陶睢陽。正義曰今曹州睢陽。今宋州宋地也。亦一都會也。徐廣曰今

昔堯作游成陽。如淳曰作起也。舜漁於雷澤。徐廣曰在成陽。

○正義曰澤在湯止於亳。徐廣曰今梁國薄縣。其俗猶有先王

遺風重厚多君子好稼穡。雖無山川之饒能惡衣食。

致其蓄。越楚則有三俗。正義曰越滅吳則有江淮以北楚滅越兼有吳越之

地故言。自淮北沛陳汝南南郡。此西楚也。正義曰沛徐州

積聚。江陵故郢都。正義曰荆州江陵縣故為郢楚之都。西通巫巴。正義曰巫

郡巴郡在江陵之西也。東有雲夢之饒。徐廣曰在華容。陳在楚夏之交。

正義曰夏都計陽城言陳南則楚西及北則夏故云楚夏之交。通魚鹽之貨其民多

賈徐僮取慮。正義曰取音秋慮音問徐即徐城。則清

刻矜已諾彭城以東東海吳廣陵此東楚也。正義曰彭城徐

州活縣也東海郡今海郡也。吳蘇州也廣陵揚州也。其俗類徐僮胸繒以北俗

則齊。正義曰胸縣在海州故繒縣在沂州言二縣之北風俗同於齊。浙江南則越夫

吳自闔廬春申王濞三人招致天下之喜游子弟東

有海鹽之饒章山之銅三江五湖之利亦江東一都

會也。衡山。徐廣曰都邾。九江。正義曰九江郡都陰陵。江南。徐廣曰高

貨殖列傳

七



帝所置江南者丹陽也秦置為鄣郡武帝改名丹陽  
 ○正義曰案徐說非秦置鄣郡在湖州長城縣西南  
 八十里鄣郡故城是也漢改為丹陽郡徙郡宛城今  
 宜州地也上言吳有章山之銅明是東楚之地此言  
 大江之南豫章長沙二  
 郡南楚南楚之地耳  
 豫章正義曰今  
 也十三州志云有萬里沙祠而西是南楚也其俗大  
 自湘州至東萊萬里故曰長沙也  
 類西楚郢之後徙壽春正義曰楚考烈王二十二年  
 言也徙亦一都會也而合肥受南北潮正義曰合  
 治也言江淮之潮  
 南俱至廬州也  
 皮革鮑木輸會也與閩中於越雜  
 俗在徐廣曰故南楚好辭巧說少信江南卑溼丈夫早  
 天多竹木豫章出黃金正義曰括地云江州潯  
 陽縣出黃金山出金長沙

楊慎曰其  
 心習已包  
 括取之不  
 竭自東曹  
 齊魯南賈  
 梁楚已有  
 和吳并粵  
 之意故隨  
 意所及縷  
 縷不絕於

出連錫然董董正義曰音謹物之所有取之不足以更費  
 應劭曰董少也更償也言余少九疑蒼梧以南徐廣曰九  
 少耳取之不足用故費用也  
 疑山在營至儋耳者正義曰今儋州在海中廣州南  
 道縣南去京七千餘里言嶺南至儋耳  
 之地與江南大同俗而與江南大同俗而楊越多焉  
 楊州之南越民多焉  
 番禺亦其一都會也正義曰番禺音潘珠璣犀瑇瑁果  
 布之湊韋昭曰果謂龍眼  
 穎川南陽夏人之居也徐廣曰禹居陽翟○正義曰  
 也夏人政尚忠朴猶有先王之遺風穎川敦愿秦末  
 世遷不軌之民於南陽南陽西通武關鄖關索隱曰



正義曰武關在商州地理志云宛西通武關而無

鄭關蓋鄭當為徇徇水上有關在金州海陽縣徐按

漢中是也徇亦作東南受漢江淮宛亦一都會也俗

雜好爭業多賈其任俠交通潁川故至今謂之夏人

夫天下物所鮮所多人民謠俗山東食海鹽山西食

鹽正義曰謂西方鹹地也堅鹵嶺南沙北也漢之北

也固往往出鹽大體如此矣總之楚越之地地廣人

希飯稻羹魚或火耕而水耨正義曰言風草下種苗

之則草茂而苗無果隋徐廣曰地理志云羸蛤正義

損也耨除草也今為搖音同上古少字也羸力和反果搖猶搖疊包

裏也今楚越之俗向有裏搖之語楚越水鄉足螺魚

蠶民多採捕積聚搖疊義大而食之班固不曉

搖之方言脩太史公書述地二乃故云梁隋羸蛤

太史公意雖不待賈而足正義曰賈音古言楚越

無饑饉地勢饒食無饑饉之患以故皆麻徐廣曰音

且正義曰按食螺蛤等物故多羸弱

而正義曰淮南子云古者民食羸蛛之肉多疹毒之

患也正義曰觀下文偷生無積聚則羸弱病足之說非也

以南無凍餓之人亦無千金之家沂泗水以北宜五

穀桑麻六畜地小人眾數被水旱之害民好畜藏故

秦夏梁魯好農而重民三河宛陳亦然加以商賈齊



世切中 辭故為無 滙淡以情 斥譏證使 當世不能 解免切中 指事妙不 可言

趙設智巧。仰機利。燕代田畜而事蠶。由此觀之。賢人深謀於廊廟。論議朝廷。守信歿節。隱居巖穴之士。設為名高者。安歸乎。歸於富厚也。是以廉吏久久更富。廉賈歸富。歸者。取利而富者。人之情性。所不學而俱欲者也。故壯士在軍。攻城先登。陷陣却敵。斬將搴旗。前蒙矢石。不避湯火之難者。為重賞使也。其在閭巷少年。攻剽椎埋。劫人作奸。掘冢鑄幣。任俠并兼。借交報仇。篡逐幽隱。不避法禁。走死地如鶩。徐廣曰。鶩一作流。其實皆為財用耳。今夫趙女鄭姬。設形容。揆鳴琴。揄長


**蹠** 剗屣

徐廣曰。揄音史。蹠。吐協反。屣音山耳。只舞屣也。目挑心招。

義口。出田鳥反。

出不遠千里。不擇老少者。奔富厚也。游閑

等。飾冠劍。連車騎。亦為富貴容也。弋射漁獵。犯晨宵霜雪。馳阬谷。不避猛獸之害。為得味也。博戲馳鬪。鷄走狗。作色相矜。必爭勝者。重失負也。醫方諸技術之人。焦神極能。為重積也。吏士舞文弄法。刻偽書。不避刀鋸之誅者。沒於賂遺也。農工商賈。畜固求富益貨也。此有知盡能索耳。終不餘力而讓矣。諺曰。百里不販樵。千里不販糴。居之一歲。種之





穀十歲樹之以木。百歲來之以德。德者人物之謂。今有無秩祿之奉。爵邑之入。而樂與之比者。命曰

封。正義曰。言不仕之人。自有園田收養。封者食租之給。其利氏於封君。故曰素封也。

歲率戶二百。正義曰。率音律。千戶之君。則二十萬。索隱曰。戶率二

故千戶。朝覲聘享出其中。庶民農工商賈率亦歲

息二千。戶百萬之家。則二十萬。索隱曰。率二千。故

而更徭租賦出其中。衣食之欲。恣所好美矣。故曰

地牧馬二百蹄。索隱曰。按馬有四足。牛蹄用十。漢

義曰。百六十七頭也。馬者而牛賤。以此為率。龍曰。百六十七頭。應蹄角。有二十。此舉成數也。千

足等。澤中千足。魚。韋昭曰。澤水居千石魚陂。徐廣曰。魚以斤

兩為記也。正義曰。言澤山居千章之材。索隱曰。養魚一歲收得千石。章

千章之菽。服虔云。章方故孟康亦云。言任方章者。千枚。謂章大材也。樂

安邑千樹棗。燕秦千樹。漢江陵千樹橘。淮北常

山。巴南河濟之間。千樹萩。陳夏千畝漆。齊魯千畝桑

麻。滑川千畝竹。及名國萬家之城。帶郭千畝。畝鍾之

田。徐廣曰。六若干畝。庭茵。徐廣曰。庭音倩。名紅藍。其花染繪

也。赤黃千畦薑韭。徐廣曰。千畦二。畦音龍。此其人皆與

千戶侯等。然是富給之資也。不窺市井。不行異邑。坐



務慎曰進  
即博進文  
進之謂

史記

卷之六

三

而待收身有處士之義而取給焉。若至家貧親老。妻  
子軟弱。歲時無以祭祀。進釀飲食。徐廣曰。會聚食。被服不足  
以自通。如此不慙耻。則無所比矣。是以無財作力。少  
有鬪智。正義曰。言少有錢財。則鬪智巧而求勝也。既饒爭時。正義曰。既饒足錢財。乃逐  
時爭利也。此其大經也。今治生不待危身取給。則賢人勉  
焉。是故本富為上。末富次之。姦富最下。無巖處奇士  
之行。而長貧賤。好語仁義。亦足羞也。

凡編戶之民。富相什則卑下之。伯則畏憚之。千則役。  
萬則僕。物之理也。夫用貧求富。農不如工。工不如商。

唐順之曰  
此市肆簿

券一經太  
史之筆。便  
是絕好文  
字。

刺繡文。不如倚市門。此言末業。貧者之資也。通邑大

都。酤一歲千釀。正義曰。釀千瓮。酤醢醋云酒酤。醢醬干坂。徐廣曰。醬

千甌。徐廣曰。大甌缶。○索隱曰。音都。其反。漢書作屠

牛羊彘千皮。販穀糶千鍾。徐廣曰。出穀也。糶音掉也。薪藁千車。船

長千丈。索隱曰。摠積數長千丈。木千章。漢書音義曰。洪洞方橐

曹椽。材曰章。竹竿萬个。正義曰。釋名云。其輶車百乘。徐廣

車也。○正義曰。正義曰。顏云。以漆物謂之髹。又音許。昭反。今關東俗

曰。輶小車也。牛車千兩。正義曰。車一乘為一兩。木毳髹者千枚。

器物一再漆者。謂之稍漆。即髹聲之轉耳。今關西俗  
云。里髹盤朱。銅器千鈞。徐廣曰。三十斤。素木鐵器若厄。茜千

貨殖列傳

三



石。徐廣曰百二十斤為石。駟索馬蹄蹴干。索隱曰。堊云。泥骨

謂八膠。一日夜蹄。小顏云。噉口也。蹄與口共干。則為

二百疋。若顧胤則云。上文馬二百蹄。與千戶侯等。此

蹄。蹴干比千乘之家。不容亦二百。則窟謂九也。牛千足

窟。通四三而成一馬。所謂生之徒十有三也。羊。千足

羊。蹄千雙。僮手指千。漢書音義曰。僮。奴婢也。古者無

曰。手指以別。筋角丹沙于斤。其帛絮細布干鈞。文采

馬。牛蹄角也。千匹。榻布皮革千石。徐廣曰。榻音吐合反。榻布。白疊

布也。其價賤。故與皮革同。重耳。非白。漆干斗。藜麴鹽

疊也。按白疊。木綿所織。非。小國有也。鮒千石。鮒。鯿魚也。鮒

千石。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

石。徐廣曰百二十斤為石。駟索馬蹄蹴干。索隱曰。堊云。泥骨

謂八膠。一日夜蹄。小顏云。噉口也。蹄與口共干。則為

二百疋。若顧胤則云。上文馬二百蹄。與千戶侯等。此

蹄。蹴干比千乘之家。不容亦二百。則窟謂九也。牛千足

窟。通四三而成一馬。所謂生之徒十有三也。羊。千足

羊。蹄千雙。僮手指千。漢書音義曰。僮。奴婢也。古者無

曰。手指以別。筋角丹沙于斤。其帛絮細布干鈞。文采

馬。牛蹄角也。千匹。榻布皮革千石。徐廣曰。榻音吐合反。榻布。白疊

布也。其價賤。故與皮革同。重耳。非白。漆干斗。藜麴鹽

疊也。按白疊。木綿所織。非。小國有也。鮒千石。鮒。鯿魚也。鮒

千石。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

石。徐廣曰百二十斤為石。駟索馬蹄蹴干。索隱曰。堊云。泥骨

謂八膠。一日夜蹄。小顏云。噉口也。蹄與口共干。則為

二百疋。若顧胤則云。上文馬二百蹄。與千戶侯等。此

蹄。蹴干比千乘之家。不容亦二百。則窟謂九也。牛千足

窟。通四三而成一馬。所謂生之徒十有三也。羊。千足

羊。蹄千雙。僮手指千。漢書音義曰。僮。奴婢也。古者無

曰。手指以別。筋角丹沙于斤。其帛絮細布干鈞。文采

馬。牛蹄角也。千匹。榻布皮革千石。徐廣曰。榻音吐合反。榻布。白疊

布也。其價賤。故與皮革同。重耳。非白。漆干斗。藜麴鹽

疊也。按白疊。木綿所織。非。小國有也。鮒千石。鮒。鯿魚也。鮒

千石。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。

鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。鮒。鯿魚也。



則非吾財也。請略道當世千里之中。豈人所以富者。令後世得以觀擇焉。

楊慎曰。卓自卓。卓自卓。卓自卓。

蜀卓氏之先。徐廣曰。卓一作淖。趙人也。用鐵冶。富。秦破趙。遷

卓氏不與混也。

卓氏。卓氏見虜畧。獨夫妻推輦行詣。處。諸遷虜少

喜順之曰。卓程而下。

有餘財。爭與吏求近處。處葭萌。徐廣。屬廣漢。唯卓氏曰。此

較之計然曰。去術益下矣。是茅瓶之智哉。

地狹薄。吾聞汶山之下沃野。下有蹲鴟。徐廣曰。古蹲字作踰。騶案。

漢書音義曰。水鄉多鴟。其山下有沃野。灌溉。一日大芋。

至死不絕。民工於市。易

賈。乃求遠。遷。致之臨邛。大喜。即鐵山。鑄。運籌策。傾

滇蜀之民。富。正義曰。滇一作沮。漢書亦作滇池。入田池。射獵

之樂。擬於人君。

程鄭。山東遷虜也。亦冶鑄。賈。雅。髻之民。富。埒。卓氏。俱居臨邛。

究。孔氏之先。梁人也。用鐵冶為業。秦伐魏。遷孔氏南

陽。大鼓鑄。規。陂池。運車騎。游諸侯。因通商賈之利。有

游閑公子之賜與名。正義曰。優游。暇也。然其贏得過當。愈於

織。齋。正義曰。言孔氏連車騎。游於諸侯。以資給之。兼通商賈之利。乃得游閑公子交名。然其通計。贏

利。過於所資。給餉遺之。當猶有。家致富數千金。故南

陽行賈。盡法。孔氏之雍容。魯人俗儉。齋而曹邠氏尤

甚。以鐵冶起。徐廣曰。魯縣出鐵。富至巨萬。然家自父兄子孫



約俛有拾。仰有取。賈貸行。賈徧郡國。鄒魯以其故。多去文學而趨利者。以曹邴氏也。

齊俗賤奴虜。而刁間獨愛貴之。正義曰。刁。丁。桀黠奴。通反。姓名。

人之所患也。唯刁間收取。使之逐漁鹽商賈之利。或連車騎。交守相。然愈益任之。終得其力。起富數千萬。

故曰寧爵毋刁。漢書音義曰。奴自相謂曰。寧欲免去。作良有爵邪。將止為刁氏作奴乎。母。

發聲言其能使豪奴自饒。而盡其力。周人既織。漢書音義

而師史尤甚。正義曰。師。史人姓名。轉轂以百數。賈郡國無

所不至。洛陽街居在齊秦楚趙之中。正義曰。洛陽在齊秦楚趙之中。

其街巷貧人學於富家。相矜以久賈。諸邑不入其門。故前云洛陽東賈齊魯南。

貧人學事富家。相矜以久賈。漢書音義。民無田地。街巷居。

在此諸國也。數過邑不入門。設任此等。故師能致七千

萬。

宣曲任氏之先。正義曰。按其地合在關。曲官名在昆池西也。徐廣曰。高祖功

臣有宣。為督道倉吏。漢書音義曰。若今吏。昭曰。督道秦

秦之敗也。豪傑皆爭取金玉。而任氏獨窖倉粟。

邊縣名。秦之敗也。豪傑皆爭取金玉。而任氏獨窖倉粟。

徐廣曰。窖音按。楚漢相距滎陽也。民不得耕種。米石

至萬。而豪傑金玉盡歸任氏。子龍曰。當共與時。而任氏粟不為人所奪。乃得

貨殖傳

七

余有丁口  
織非織  
之織觀下  
轉轂百數  
可九正是  
織巧修靡

倪思曰督  
道者倉所  
在地名耳  
猶後傳註  
漢宮闕疏  
明細細柳  
系也



金玉者高帝已定三秦也所謂豪傑者必是漢諸將也任氏以此起富富人爭

奢侈而任氏折節為儉力田畜出畜人爭取賤賈

日晉灼云爭取賤賈金玉也任氏獨取貴善索隱曰謂買物必取賤賈金玉也

也富者數世然任公家約非田畜所出弗衣食公事

不畢則身不得飲酒食肉以此為閭里率故富而主

上重之塞之斥也正義曰孟康云邊塞主斥侯卒也唯此人能致富若此顏云塞斥者

言國斥開邊塞更令寬廣故橋姚得恣其畜牧也姓橋名姚唯橋姚已致馬千匹

牛倍之羊萬頭粟以萬鍾計索隱曰說非也按斥

斥是也橋姓桃名也橋桃因斥塞而致此資吳楚七國兵起時長安中列

倪思曰謂當開邊時惟長此指厚耳其下故又及吳楚

侯封君行從軍旅齋貸子錢李德曰齋音子精也

云齋周禮注齋所給與也子錢家以為侯邑國在關東關東成敗

未決莫肯與唯無索隱曰氏出捐千金貸其息什之索隱曰

出一得三月吳楚平一歲之中則無鹽氏之息什倍

用此富埒關中關中富商大賈大抵盡諸田田畝田

蘭韋家栗氏安陵杜杜氏徐廣曰安陵及杜二縣名各有杜姓也宣帝以杜為

村亦巨萬此其章章尤異者也皆非有爵邑奉祿弄

法犯奸而富盡椎埋去就與時俯仰獲其贏利以未

致財用本守之以此一切用文持之變化有概故足



唐順之曰  
零碎碎  
不捨一物

術也。若至力農畜工虞商賈為權利以成富。大者傾

郡。中者傾縣。下者傾鄉里者不可勝數。夫纖嗇筋力

治生之正道也。而富者必用奇勝。田農拙業。徐廣曰古拙字

亦作索隱曰漢書而秦陽以蓋一州。作甲一州掘冢姦事也。而

拙對以起博戲惡業也。而桓發用之富。索隱曰漢書桓作稽正義

日桓發正義行賈丈夫賤行也。而雍樂成以饒。販脂。正義

無角者膏也。文云載角者脂辱處也。而雍伯千金。徐廣曰雍一作翁賣漿

小業也。而張氏千萬。酒削薄拔也。索隱曰酒音先禮反削刀者名酒削

謂摩刀以水酒之而鄧氏鼎食。胃脯簡微耳。濁氏連騎。索隱曰晉

將云大官常以十月作沸湯潑羊胃以木椒薑馬醫

淺方。張里擊鍾。此皆誠壹之所致。由是觀之。富無經

業。則貨無常主。能者輻湊。不肖者瓦解。千金之家。比

一都之君。巨萬者乃與王者同樂。豈所謂素封者邪。

非也。

索隱述贊曰貨殖之利工商是營廢居善積倚市邪贏白圭富國計然驅兵保參朝請女築懷清素封千戶卓鄭齊名

史記卷之一百二十九 終

貨殖列傳

三







重份曰太史公傳如白序及游使貨殖伯夷孟子等傳皆自撰故皆妙絕如譜世家皆多錄左氏戰國策等文不遇載傳語而略增損

之後是也。今物稱伯休甫是重黎之後者。凡言地即舉天稱黎則兼重自是相對之文。其實二官亦通職。然休甫則黎之後也。亦是太史公欲以當周宣王時。史為已任。故言先代天官所以兼稱重。當周宣王時失其守而為司馬氏。正義曰司馬彪序云。所世典周史。索隱曰司馬夏官卿不掌國史。自先代兼據。惠襄之間司馬氏去周適晉。張晏曰周惠王棄王所司馬氏。晉中軍隨會奔秦。而司馬氏入少梁。索隱曰魏也。少梁古梁國也。秦滅之。改曰少梁。後名夏陽也。自司馬氏去周適晉。分散或在衛或在趙或在秦。其在衛者相中山。徐廣曰。在趙者。正義曰何法盛晉書名喜也。及晉譙王司馬無忌

司馬氏孫本皆云名凱。以傳劔論顯。索隱曰服虔云善劔。博論而知名也。劔贖其後也。正義曰五惟反如淳云刺客傳之劔贖也。在秦者名

錯。與張儀爭論。於是惠王使錯將伐蜀。遂拔四而守之。蘇林曰。錯孫靳事武安君白起。徐廣曰。靳而少梁郡守也。錯孫靳事武安君白起。徐廣曰。靳而少梁

更名曰夏陽。靳與武安君阮趙長平軍。文穎曰。趙還而與之俱。賜歿杜郵。葬於華池。昔灼曰地名在鄂縣。索隱曰。晉灼非也。

而與之俱。賜歿杜郵。葬於華池。昔灼曰地名在鄂縣。索隱曰。晉灼非也。

而與之俱。賜歿杜郵。葬於華池。昔灼曰地名在鄂縣。索隱曰。晉灼非也。

而與之俱。賜歿杜郵。葬於華池。昔灼曰地名在鄂縣。索隱曰。晉灼非也。

而與之俱。賜歿杜郵。葬於華池。昔灼曰地名在鄂縣。索隱曰。晉灼非也。

而與之俱。賜歿杜郵。葬於華池。昔灼曰地名在鄂縣。索隱曰。晉灼非也。

而與之俱。賜歿杜郵。葬於華池。昔灼曰地名在鄂縣。索隱曰。晉灼非也。

史公既自以京出司馬錯之後而劔贖以後當略復

劔贖生昭預。昭預生憲。憲生印也。而徇朝歌諸侯之



挿入司馬  
印以其盛  
不欲遺也

相王王印於殷索隱曰漢書云項漢之伐楚印歸漢

以其地為河內郡昌生無澤索隱曰漢書作毋澤無澤為漢市

長無澤生喜喜為五大夫卒皆葬高門索隱曰案遷

陽西北去華池三里正義曰括地志云高門原俗

名馬門原在同州韓城縣西存十八里漢司馬遷墓

在韓城縣南二十二里夏陽縣故喜生談談為六史

公如淳曰漢儀註太史公武帝置位在丞相上天下

後宣帝以其官為令行太史公文書而已索隱曰

公者遷所著書尊其文云公也然遷雖稱述其文所

作其實亦遷之詞而如淳引衛宏儀註稱位在丞相

上謬矣案官表又無其官且修史之官國家別有

著撰則令州縣所上國書皆先上之太史公學天官

而後人不曉誤以為在丞相上耳

於唐都正義曰天官書受易於楊何徐廣曰習道論

於黃子徐廣曰儒林傳曰太史公仕於建元元封之

間正義曰顏云各習師書感於所見也乃

論六家之要指曰易大傳正義曰張晏云謂易繫天

下一致而百慮同歸而殊塗夫陰陽儒墨名法道德

此務為治者也直所從言之異路有省不省耳索隱

六家同歸於正然所從之道殊塗嘗竊觀陰陽之術

學或有傳習省察或有不省之耳大祥徐廣曰一作詳駟案李奇曰月令星官是其枝

也而眾忌諱使人拘而多所畏時令人有所忌畏也

史記

卷一百三十一 太史公自序

三

後曰  
序六  
指進  
儒  
如  
所  
其  
之  
何



承坤曰太史公分言  
六家指而  
獨歸重于  
道家矣

然其序四時之大順不可失也。

子龍曰太史公職在天官故以陰陽序儒

墨之儒者博而寡要勞而少功是以其事難盡從然

其序君臣父子之禮列夫婦長幼之別不可易也墨

者儉而難遵

正義曰韋云墨翟之術也尚儉後有徐巢子傳其術也

是以其事

不可徧循

索隱曰徧音遍徧循言難盡川也

然其疆本節用不可廢

也法家嚴而少恩然其正君臣上下之分不可改矣

名家使人儉而善失真

索隱曰劉向別錄云名家流出于禮宮古者名位不同禮

亦異數孔子曰必也正名乎案名家知禮亦異數是儉也受命不受辭或失其真也然其正名

實不可不察也道家使人精神專一動合無形瞻足

萬物

索隱曰瞻市豔反漢書作澹

其為術也因陰陽之大順采徧

墨之善撮明法之要與時遷移應物變化立俗施事

無所不宜指約而易操事少而功多儒者則不然以

為人主天下之儀表也主倡而臣和主先而臣隨如

此則主勞而臣逸至於大道之要去健羨

如淳曰知雄守雌是

去健也不見可欲使心不亂是去羨也

絀聰明

索隱曰如淳云不尚賢絕聖棄智也釋此

而任術夫神大用則竭形大勞則敝形神騷動欲與

天地長久非所聞也夫陰陽四時八位十二度二十

四節

張晏曰八位八卦位也十二度十二次也各有

二十節就中氣也各有禁忌謂日月也各有

史記

卷一百三

太史公自序

四



教令順之者昌逆之者不灰則亡未必然也故曰使人拘而多畏夫春生夏長秋收冬藏此天道之大經也弗順則無以為天下綱紀故曰四時之大順不可失也夫儒者以六藝為法六藝經傳以千萬數累世不能通其學當年不能究其禮故曰博而寡要勞而少功若夫列君臣父子之禮序夫婦長幼之別雖百家弗能易也墨者亦尚堯舜道言其德行曰堂高三尺索隱曰自此以下韓子之文故稱曰也土階三等茅茨不翦正義曰屈蓋曰茨以茅采椽不刮索隱曰韋昭云采椽椽也食土簋徐廣曰一作澗

土刑糲梁之食張晏曰一斛粟藜藿之羹正義曰藜似藿而長

赤藿豆夏日葛衣冬鹿裘其送死桐棺三寸正義曰以

桐木為棺厚三寸也舉音不盡六哀教喪禮必以此萬民為之

率使天下法若此則卑無別也夫世異時移事業

不必同故曰儉而難變要曰疆本節用則人給家足

之道也此墨子之所長雖百家弗能廢也法家不別

親疎不殊貴賤一斷於法則親親尊尊之恩絕矣索隱曰案禮親親父為首尊尊君為首也

可以行一時之計而不可長用也

故曰嚴而少恩若尊主卑臣明分職不得相踰越雖



百家弗能改也。名家苛察繳繞。如淳曰：繳繞，猶纏繞不通，舉體也。使

人不得反其意，專決於名，而失人情。故曰：使人儉而

善失真。若夫控名責實，參伍不失。晉灼曰：引名責實，參錯交互，明知事

情，此不可不察也。道家無為，又曰無不為，其實易行

索隱曰：各守其分，故易行也。其辭難知。正義曰：綸溪微其術以虛

無為本，以因循為用。正義曰：任自然也。無成勢，無常形，故能

究萬物之情，不為物先，不為物後。韋昭曰：因物為制。故能為

萬物主，有法無法，因時為業。正義曰：因時之物，成法為業。有度無

度，因物與合。正義曰：因其萬物之形成，度與合也。故曰：聖人不朽，時變

是守。索隱曰：此出鬼谷子，遷引之以成其章，故稱故曰也。虛者道之常也，因者

君之綱也。正義曰：言因百姓之心，以教唯執其綱而已。群臣並至，使各自

明也。其實中其聲者，謂之端，實不中其聲者，謂之窾。

徐廣曰：音款，空也。窾，窾言不聽，姦乃不生，賢不守自

分，白黑乃形。在所欲用耳，何事不成，乃合大道，混混

冥冥。正義曰：混混者，元氣神者之貌也。光耀天下，復反無名，凡人所

生者，神也。所託者，形也。神大用則竭，形大勞則敝。形

神離則死，死者不可復生，離者不可復反，故聖人重

之。由是觀之，神者生之本也，形者生之具也。韋昭曰：聲氣者



神也。枝體不先定其神。而曰我有以治天下。何由哉。

太史公既掌天官。不治民。有子曰遷。遷生龍門。正義曰。括

地志云。龍門在同州韓城縣北五里。其山更黃河夏禹所鑿者也。耕牧河山之陽。正義

曰。河之北。山之南也。年十歲。則誦古文。索隱曰。遷及

案在龍門山南也。誦古文尚書。劉氏以爲左傳國二十而南游江淮。上

語系本等書。是亦名之古文也。會稽探禹穴。張晏曰。禹巡狩至會稽而崩。固葬焉。上

地志云。石箐山一名玉笥山。又名宛委山。卽會稽山

一峯也。在會稽縣東南十八里。吳越春秋云。禹案黃

帝中經。九山東南大柱號曰宛委。赤帝左闕之填。承

以文玉。覆以盤石。其書金簡青玉爲字。編以白銀。皆

琢其文。禹乃東巡。登衡人血白馬以祭。禹乃登山仰

天而笑。忽然而臥。夢見繡衣男子。自稱玄夷。倉水使

者。却倚覆釜之山。東顧謂禹曰。欲得我山神書者。齊

於黃帝之岳。岩岩之下。三月季庚。登山發石。禹乃登

死委之山。發石。乃得金簡玉字。以水泉之。闕九疑。索

脉。山中又有一穴。深不見底。謂之禹穴。闕九疑。索

曰。山海經云。南方蒼梧之丘。蒼梧之泉。在營道南。其

山九峯皆似。故曰九疑。張晏云。九疑舜葬。故窺之。尋

上探禹穴。蓋以先聖所葬處有。浮於沅湘。正義曰。沅

古冊文。故探窺之。亦搜採遠矣。州東北而南。晉魯講業齊魯

湘水出道州。北涉汶泗。正義曰。兩水出兗講業齊魯

上會稽。摛禹穴此子長自言。編遊萬里之。曰。上會稽。總吳越也。擬禹穴。言巴蜀也。後人不知其解。是以爲禹穴。在會稽。而作地志者。以禹廟。祠小坎。如春曰者。當之意。是有何奇。而辱子長之



聿耶按蜀之石泉禹生之地謂之禹穴其石香深人迹不到蜀志刺有禹穴二字乃李白所書始知會稽禹穴之誤

印笮昆明還報命。徐廣曰元鼎六年平西南夷以是為五郡其明年元封元年是也

歲天子始建漢家之封而太史公留滯周南。徐廣曰

古之周南今之洛陽不得與從事故發憤且卒而子遷適使反

見父於河洛之間太史公執遷手而泣曰余先周室

之太史也自上世嘗顯功名於虞夏與天官事後世

中衰絕於予乎汝復為太史則續吾祖矣今天子接

千歲之統封泰山而余不得從行是命也夫命也夫

余死汝必為太史為太史無忘吾所欲論著矣且夫

孝始於事親中於事君終於立身揚名於後世以顯

父母此孝之大者夫天下稱誦周公言其能論歌文

武之德宣周邵之風達太王王季之思慮爰及公劉

以尊后稷也幽厲之後王道缺禮樂衰孔子修舊起

廢論詩書作春秋則學者至今則之自獲麟以來四

百餘歲。案年表魯哀公十四年獲麟至漢元封元年三百七十一年而諸侯相兼

史記放絕今漢興海內一統明主賢君忠臣死義之

士余為太史而弗論載廢天下之史文余甚懼焉汝

其念哉遷俯首流涕曰小子不敏請悉論先人所次

舊聞弗敢闕卒三歲而遷為太史令紬史記石室金

史記



邵齊門有  
夫歷有人  
歷天歷始  
十一月甲  
子朔夜半  
冬至如環  
無端終則  
後始太史  
公所謂大  
歷此之謂  
也人歷今  
是而已故  
曰夏時得  
天不得天  
不足謂之  
歷王者之  
正迭建改  
正不改歷

史記

卷一百一

八

置之書。徐廣曰。紬音抽。○索隱曰。如淳云。紬徹舊書

故事而次述之。小顏云。紬謂綴集之也。案石

室金匱皆國五年而當太初元年。李奇曰。遷為太史

帝太初元年。此時述史記。○十一月甲子朔旦冬至。

天歷始改建於明堂。諸神受紀。徐廣曰。封禪序曰。封

駟索韋昭曰。告于百神。與天下更始著紀於是。

太史公曰。先人有言。正義曰。太史公。司馬遷也。先人。司馬談也。自周公卒。

五百歲而有孔子。孔子卒後。至於今五百歲。有能紹

明世。正易傳。繼春秋。本詩書禮樂之際。意在斯乎。意

在斯乎。小子何敢讓焉。索隱曰。言已當述先人之成

業。何敢自謙。值五百歲而述

之。上大。夫壺遂曰。索隱曰。案遂為詹事。秩二千石。故位上大夫也。昔孔子何

為而作春秋哉。太史公曰。余聞董生曰。服虔曰。周道

衰廢。孔子為魯司寇。諸侯害之。大夫壅之。孔子知言

之不用。道之不行也。是非二百四十二年之中。索隱曰。

非謂褒貶諸侯之得失也。以為天下儀表。貶天子。退諸侯。討大夫

以達王事而已矣。子曰。我欲載之空言。不如見之於

行事之深切著明也。索隱曰。案孔子之言。見春秋。夫

春秋上明三王之道。下辨人事之紀。別嫌疑。明是非。

定猶豫。善善惡惡。索隱曰。公羊傳曰。善善及子孫。惡惡止其身也。賢賢賤不

定猶豫。善善惡惡。

賢賢賤不

賢賢賤不

賢賢賤不

史記

卷一百一

八

太史公自序



柯維騏曰  
司馬遷述

其先人太  
史談推尊

道家之旨  
于前探莊

周所論六  
經之義于

後然前後  
一文不

相蒙班固  
譏其先黃  
老而後六  
經過矣

省存亡國繼絕世補敝起廢王道之大者也易著天  
地陰陽四時五行故長於變禮經紀人倫故長於行  
書記先王之事故長於政詩記山川谿谷禽獸草木  
牝牡雌雄故長於風樂樂所以立故長於和春秋辨  
是非故長於治人是故禮以節人樂以發和書以道  
事詩以達意易以道化春秋以道義撥亂世反之正  
莫近於春秋春秋文成數萬其指數千張晏曰春秋煉  
萬入千字當  
言減而去成數字誤也駟謂太史公此辭是述董生  
之言董仲舒自治公羊經傳凡有四萬四千餘字故  
云文成數萬也不得如張議但論經萬人千字便為  
之誤○索隱曰註非也小顏云史遷豈以公羊之傳

為春秋乎春秋經一萬八  
千亦足稱數萬非字之誤萬物之散聚皆在春秋

秋之中弑君三十六亡國五十二諸侯奔走不得保  
其社稷者不可勝數察其所以皆失其本已索隱曰  
已者語

終之故易曰失之豪釐差以千里徐廣曰今易無  
此語易緯有之故

曰臣弑君子弑父非一旦一夕之故也其漸久矣故

有國者不可以不知春秋前有讒而弗見後有賊而

不知為人臣者不可以不知春秋守經事而不知其

宜遭變事而不知其權為人君父而不通於春秋之

義者必蒙首惡之名為人臣子而不通於春秋之義



者必陷篡弑之誅。成罪之名。其實皆以為善為之。不

知其義。正義曰。其心實善為之。不知其義理。則陷於罪咎。被之空言而不敢

辭。張晏曰。趙盾不知討賊。而不敢辭其罪也。夫不通禮義之旨。至於君不

君。臣不臣。父不父子。子不子。君不君。則犯。正義曰。顏云。為臣下所干。

也。犯臣不臣。則誅。父不父。則無道。子不子。則不孝。此四

行者。天下之大過也。以天下之大過。予之。則受而弗

敢辭。故春秋者。禮義之大宗也。夫禮禁未然之前。法

施已然之後。法之所為用者。易見。而禮之所為禁者

難知。壺遂曰。孔子之時。上無明君。下不得任用。故作

春秋。垂空文。以斷禮義。當一王之法。今夫下上過同。

天子下得守職。萬事既具。咸各序其宜。夫子所論。欲

以何明。太史公曰。唯唯否否。晉灼曰。唯唯。謙應也。否否。不通者也。不然

余聞之。先人曰。伏羲至純厚。作易八卦。堯舜之盛。尚

書載之。禮樂正焉。湯武之隆。詩人歌之。春秋采善貶

惡。推三代之德。褒周室。非獨刺譏而已也。李遠曰。史記為此言。

懼有謗書之禍也。漢興以來。至明天子。獲符瑞。封禪。改正朔。

易服色。受命於穆清。如淳曰。受天命清和之氣。澤流罔極。海外殊

俗。重譯款塞。款。叩也。請來獻見者。不可勝道。臣下百



董份曰李陵之禍謂陵降而太史公救之也怒下卷筆也正義錄事如

官力誦聖德猶不能宣盡其意且士賢能而不用有

國者之恥主上明聖而德不布聞有司之過也且余

嘗掌其官廢明聖盛德不載滅功臣世家賢大夫之

業不述墮先人所言罪莫大焉余所謂述故事整齊

其世傳非所謂也而君比之於春秋謬矣於是論

次其文七年徐曰天漢三年正義曰案從太初元年至天漢三年乃七年也而太

史公遭李陵之禍正義曰太史公舉李陵李陵降也幽於縲紲乃聞

然而歎曰是余之罪也夫是余之罪也夫身毀不用

矣退而深惟曰夫詩書隱約者索隱曰案謂其義隱微而言約也德

遂其志之思也昔西伯拘羑里徐廣曰在湯陰演周易孔子

厄陳蔡作春秋屈原放逐著離騷左丘失明厥有國

語孫子贖刑而論兵法不韋遷蜀世傳呂覽正義曰即呂氏春秋

韓非囚秦說難孤憤詩三百篇大抵賢聖發憤

之所為作也此入皆意有所鬱結不得通其道也故

述往事思來者於是卒述陶唐以來至于麟止張晏曰武帝獲麟遷以為述事之端上紀黃帝下至麟止猶春秋止于獲麟也自黃帝始

維昔黃帝法天則地四聖遵序徐廣曰顓頊帝譽堯舜各成法

度唐堯遜位虞舜不台索隱曰台音怡悅也或因昭非也厥美帝功

董份曰自此下雜用諸語最高古

史記 卷一百三十一 太史公自序 七



萬世載之。作五帝本紀第一。索隱曰：應劭云：有本則紀，有家則代，有年則表。

有名則傳。

維禹之功，九州攸同，光唐虞際，德流苗裔，夏桀淫驕。

乃放鳴條，作夏本紀第二。

維契作商。正義曰：契音薛。爰及成湯，太甲居桐，德盛阿衡，武

丁得說，乃稱高宗，帝辛湛洸，諸侯不享，作殷本紀第

三。

維棄作稷，德盛西伯，武王牧野，實撫天下，幽厲昏亂，

既喪鄴鎬，陵遲至紂，洛邑不祀，作周本紀第四。

維秦之先，伯翳佐禹，穆公思義，悼豪之旅。索隱曰：豪音旅，師旅也。

以人為殉，詩歌黃鳥，昭襄業帝，作秦本紀第

五。

始皇既立，并兼六國，銷鋒鑄鐻。徐廣曰：嚴安上書：銷其兵，鑄以為鍾鐻也。

維假干革，尊號稱帝，矜武任力，二世受運，子嬰降虜，

作始皇本紀第六。

秦失其道，豪傑並擾，項梁業之，子羽接之，殺慶救趙，

將號慶子冠軍，諸侯立之，誅嬰背懷，天下非之作。

項羽本紀第七。

史記

卷一百一十 太史公自序

七

董份曰：班固替語，多用此体，乃知班不能出範圍也。

董份曰：數語漸項氏與亡之原已盡。



子羽暴虐。漢行功德。憤發蜀漢。還定三秦。誅籍業帝。

天下惟寧。改制易俗。作高祖本紀第八。

惠之早實。

正義曰。音殖。

諸品不台。

徐廣曰。無台輔之德也。一曰怡懌也。不為百姓。

所說

崇疆祿產。諸侯謀之。殺隱幽友。

徐廣曰。趙隱王如意。趙幽王友。犬

臣洞疑。

索隱曰。洞是洞。達義共所疑。

遂及宗禍。作呂太后本紀第九。

九。

漢既初興。繼嗣不明。迎王踐祚。天下歸心。蠲除肉刑。

開通關梁。廣恩博施。厥稱太宗。作孝文本本紀第十。

諸侯驕恣。吳首為亂。京師行誅。七國伏辜。天下翕然。

大安殷富。作孝景本紀第十一。

漢興五世。隆在建元。外攘夷狄。內修法度。封禪改正。

朔。易服色。作今上本紀第十二。

平遠曰。觀此知紀中不作毀謗語。亦春秋

所見異詞之旨也。三

維三代尚矣。年紀不可考。蓋取之譜牒。舊聞本于茲。

於是畧推作三代世表第一。

幽厲之後。周室衰微。諸侯專政。春秋有所不紀。而譜

牒經畧。五霸更盛衰。欲睹周世相先後之意。作十二

諸侯年表第二。



春秋之後。陪臣秉政。疆國相王。以至于秦。卒并諸夏。滅封地。擅其號。作六國年表第三。

秦既暴虐。楚人發難。項氏遂亂。漢乃扶義。征伐八年之間。天下三擅。事繁變衆。故詳著秦楚之際。月表第四。

漢興已來。至于太初。百年諸侯。廢立分割。譜紀不明。有司摩踵。疆弱之原云以世。正義曰。言漢興已來百年。諸侯廢立。分割譜紀不能明其嗣。有司無所踵繼其後。乃云疆弱之原。云以世相代。相不能有所錄紀也。作漢興已來諸侯年表第五。

維高祖元功。輔臣股肱。剖符而爵。澤流苗裔。忘其昭穆。或殺身殞國。作高祖功臣侯者年表第六。

惠景之間。維申功臣。宗屬爵邑。作惠景間侯者年表第七。

北討疆胡。南誅勁越。征伐夷蠻。武功爰列。作建元以來侯者年表第八。

諸侯既疆。七國爲從。子弟衆多。無爵封邑。推恩行義。其勢銷弱。德歸京師。作王子侯者年表第九。

國有賢相良將。民之師表也。維見漢興以來將相名

董份曰。此即上文傳是計。



臣年表。賢者記其治，不賢者彰其事。作漢興以來將相名臣表第十。

維三代之禮，所損益各殊務。然要以近情性通王道。故禮因人質為之節文。畧協古今之變。作禮書第一。

樂者所以移風易俗也。自雅頌聲興，則已好鄭衛之音。鄭衛之音，所從來久矣。人情之所感，遠俗則懷。徐廣

曰：樂者所以感和人情，人情既感，則遠方殊俗莫不懷柔向化也。比樂書以述來古。

索隱曰：來古即古來。言此樂書述自古已來樂之興衰也。作樂書第二。

非兵不疆。索隱曰：此律書之贊。而云非兵不疆者，古者師出以律，則凡出軍皆聽律聲，故云。

律效勝負望敵，知吉凶也。非德不昌。黃帝湯武以興。索隱曰：黃帝有師，泉之師。

湯武有鳴條牧野之戰而克桀紂。桀紂二世以崩，可不慎歟。司馬法

所從來尚矣。太公孫吳王子。徐廣曰：王子成甫。能紹而明之。

切近世，極人變。作律書第三。

律居陰而治陽，歷居陽而治陰。律歷更相治，間不容

翮忽。正義曰：翮匹遙反。今音匹。沼反。字當作抄。抄禾芒表也。忽一蠶口出絲也。言律歷相治之間不容比微細。五家之文，佛異。索隱曰：佛音恃。一音扶物反。佛亦恃也。維太

初之元論。作歷書第四。

星氣之書，多雜機祥不經。推其文，考其應不殊。子龍曰：天



官書亦畧著徵。比集論其行事。驗于軌度以次。作天官書第五。

受命而王。封禪之符罕用。徐廣曰。一用則萬靈罔不

禪祀。追本諸神。名山大川禮。作封禪書第六。

維禹浚川。九州攸寧。爰及宣防。決瀆通溝。作河渠書

第七。

維幣之行。索隱曰。幣。錢也。以通農商。其極則玩巧。并兼茲索隱

日。玩音五官反。巧音苦孝反。殖。爭于機利。去本趨末。作平準書以

觀事變第八。

太伯避歷。江蠻是適。文武攸興。古公王跡。闔廬弒僚。

荆楚夫差克齊。子胥賜夷。信語親越。吳國既滅。

嘉伯之讓。作吳世家第一。

申呂肖矣。徐廣曰。肖音尚。父側微。卒歸西伯。文武是

師。功冠羣公。繆權于幽。正義曰。繆音武彪反。言呂尚

畧陰符七術之屬也。番番黃髮。番音婆。毛萇云。番番威勇武貌也。爰饗營丘。不

背柯盟。桓公以昌。九合諸侯。霸功顯彰。田闢爭寵。姜

姓解亡。徐廣曰。闕一作遷。監解一作遷。嘉父之謀。作齊太公世家第

二。

世各摘  
一事見太  
公



依之違之。周公綏之。憤發文德。天下和之。輔翼成王。諸侯宗周。隱桓之際。是獨何哉。三桓爭疆。魯乃不昌。嘉昌金滕。作周公世家第三。

武王克紂。天下未協。而崩。成王既幼。管蔡疑之。淮夷叛之。於是召公率德安集王室。以寧東土。燕易之禪。乃成禍亂。索隱曰。謂王噲禪其相子之後。卒危亂也。嘉甘棠之詩。作燕世家第四。


管蔡相武庚。將寧舊商。及且攝政。一叔不饗。殺鮮放度。索隱曰。案系家云。管叔名鮮。蔡叔名度。霍叔名處也。周公為盟。大任十子。周

以宗疆。索隱曰。大任。武王妃。十子。伯邑考。正義曰。蔡叔度之子。蔡仲也。作管蔡世家第五。

王後不絕。舜禹是說。維德休明。苗裔蒙烈。百世享祀。爰周陳杞。楚賓滅之。齊田既起。舜何人哉。作陳杞世家第六。

牧殷餘民。叔封始邑。申以商亂。材財是告。及朔之生。衛傾不寧。索隱曰。衛傾公也。南子惡蒯瞶。子父易名。周德卑

微。戰國既疆。衛以小莠。角獨後亡。嘉彼康誥。作衛世家第七。





揚慎曰剔  
字從易音  
盪與剔字  
不同剔字  
從易

嗟箕子乎。嗟箕子乎。正言不用，乃反為奴。武庚既死，周封微子。襄公傷於泓，正義曰：泓水名。公羊傳云：宋與楚人期戰於泓之陽。宋師敗。君子孰稱。景公謙德，熒惑退行。剔成暴虐，徐廣曰：宋剔成君生偃。索隱曰：剔音遏。宋乃滅亡。嘉微子問太師，作宋世家第八。

武王既崩，叔虞邑唐。君子譏名，正義曰：謂晉穆侯太子名仇，少子名成，師也。卒滅武公，驪姬之變亂者五世，重耳不得意，乃能成霸。六卿專權，正義曰：智伯、范中行、韓、魏、趙。晉國以隳。嘉文公錫珪鬯，作晉世家第九。

日下曰  
楚莊克  
以甲叔  
之功而復  
故曰復  
陳

重黎業之。吳回接之。殷之季世，粥子牒之。周用熊繹，熊渠是續。莊王之賢，乃復國陳。正義曰：楚莊王都陳，既赦鄭伯班師，華元懷王客死，蘭咎屈原，好諛信讒，楚并於秦。嘉莊王之義，作楚世家第十。  
少康之子，實賓南海。正義曰：吳越春秋云：啓使歲時祭禹于越，立宗廟南山之上，封少康庶子無餘于越，使祠禹。至勾踐遷都山陰，立禹廟為始祖廟，越亡遂廢也。案今禹廟在會稽山下。文身斷髮，黿鱓與處。正義曰：黿音元，鱓音龍。既守封禺，徐廣曰：封禺山，在武康縣南。奉禹之祀，勾踐困彼，乃用種蠶。嘉勾踐夷蠻，能修其德，滅彊吳，以尊周室，作越王勾踐世家第十。

史記  
卷一百三十一  
大史公自序  
九



一。相公之東。太史是庸。及侵周。禾。王人是議。祭仲要盟。鄭久不昌。子產之仁。紹世稱賢。二。晉侵伐。鄭納于韓。嘉厲公納惠王。作鄭世家第十二。

維驥驟耳。乃章造父。趙夙車。獻衰續厥緒。正義曰。衰楚為反。

佐文尊王。卒為晉輔。襄子困辱。乃禽智伯。王父生縛。

餓歠探爵。王遷辟滏。良將是斥。嘉鞅討周亂。作趙世家第十三。

畢萬爵魏。卜人知之。及絳戮干。戎翟和之。文侯慕義。

子夏師之。惠王自矜。齊秦攻之。旣疑信陵。諸侯罷之。

卒亡大梁。王假廝之。嘉武佐晉文申霸道。作魏世家第十四。

韓厥陰德。趙武攸典。紹絕立廢。晉人宗之。昭侯顯列。

申子庸之。疑非不信。秦人襲之。嘉厥輔晉。匡周天子之賦。作韓世家第十五。

完子避難。適齊為援。陰施五世。齊人歌之。成子得政。

田和為侯。王建動心。乃遷于共。嘉威宣能。撥濁世而

獨宗周。作田敬仲完世家第十六。



周室既衰。諸侯恣行。仲尼悼禮廢樂崩。追修經術。以達王道。匡亂世。反之于正。見其文辭。為天下制儀法。

垂六藝之統紀於後世。作孔子世家第十七。子龍曰。是時武

帝方表章六經。繼聖緒。故太史公列孔子於世家也。

桀紂失其道。而湯武作。周失其道。而春秋作。正義曰。周失其

道。至秦之時。諸侯力事乎爭疆。秦失其政。而陳涉發迹。諸侯作難。風

起雲蒸。卒亡秦族。天下之端。自涉發難。作陳涉世家

第十八。子龍曰。三代以來。從無以匹夫起兵者。自陳涉創之。太史公比之湯武。春秋雖非倫。然

所始則一也。

成皐之臺。薄氏始基。紂意適代。厥崇諸竇。栗姬傾貴。

王氏乃遂。陳后太驕。卒尊子夫。嘉夫德若斯。作外戚

世家第十九。

漢既誦謀。禽信于陳。越荆剽輕。乃封弟交。為楚王。爰

都彭城。以疆淮泗。為漢宗藩。戍溺於郢。禮復紹之。嘉

游輔祖。正義曰。游。楚王交字也。祖。高祖也。作楚元王世家第二十。

維祖師旅。劉賈是與。為布所襲。喪其荆吳。營陵激呂。

乃王琅邪。休午信齊。正義曰。謂祝午也。往而不歸。遂西入關。

遭立孝文。獲復王燕。天下未集。賈澤以族。為漢藩輔。



史記 卷一百一十五  
作荆燕世家第二十一。

天下已平。親屬既寡。悼惠先壯。實鎮東土。哀王擅興。發怒諸呂。駟鈞暴戾。京師弗許。厲之內淫。禍成王父。嘉肥股肱。作齊悼惠王世家第二十二。

楚人圍我滎陽。相守三年。蕭何填撫山西。

正義曰。謂華山之西。

也。推計踵兵。給糧食不絕。使百姓愛漢。不樂為楚。作

蕭相國世家第二十三。

與信定魏。破趙。拔齊。遂弱楚人。續何相國。不變不革。黎庶攸寧。嘉參不伐功。矜能。作曹相國世家第二十

四。

運籌帷幄之中。制勝於無形。子房計謀其事。無知名。無勇功。圖難於易。為大於細。作留侯世家第二十五。六奇既用。諸侯賓從於漢。呂氏之事。平為本謀。終安宗廟。定社稷。作陳丞相世家第二十六。

諸呂為從。謀弱京師。而勃反。經合于權。吳楚之兵。亞夫駐於昌邑。以克齊趙。而出委以梁。作絳侯世家第二十七。

七國叛逆。蕃屏京師。唯梁為扞。傾愛矜功。幾獲于禍。



嘉其能距吳楚。作梁孝王世家第二十八。

五宗既王。親屬協和。諸侯大小為藩。爰得其宜。僭擬

之事。稍衰貶矣。作五宗世家第二十九。

三子之王。文辭可觀。作三王世家第三十。子龍曰。三王世家。太

史公明言以冊文之善而存之。自應無他詳紀。其云補作者非也。

末世爭利。維彼奔義。讓國餓死。天下稱之。作伯夷列

傳第一。

晏子儉矣。夷吾則奢。齊桓以霸。景公以治。作管晏列

傳第二。

季耳無為。自化清淨。自正。雖非揣事情。循勢理。作老

子韓非列傳第三。

自古王者。而有司馬法。穰苴。能申明之。作司馬穰苴

列傳第四。

非信廉仁勇。不能傳兵論。與道同符。內可以治身

外。可以應變。君子比德焉。作孫子吳起列傳第五。

維建遇讒。爰及子奢。尚既匡父。伍員奔吳。作伍子胥

列傳第六。

孔氏述文。弟子興業。咸為師傅。崇仁厲義。作仲尼弟



史記 卷一百三十三  
子列傳第七。

執去衛適秦。能明其術。疆霸孝公。後世遵其法。作商君列傳第八。

天下患衛秦。母饜而蘇子能存諸侯。約從以抑貪疆。作蘇秦列傳第九。

六國既從親。而張儀能明其說。復散解諸侯。作張儀列傳第十。

秦所以東攘徐廣曰。一作襄。雄諸侯。榜里甘茂之策。作樛里甘茂列傳第十一。

李耳無為自化。清淨自正。謹非揣事情。循勢理。作者子韓非列傳第三。

自古王者而有司馬法。穰苴能申明之。作司馬穰苴列傳第四。

非信廉仁勇。不能傳兵論劍。與道同符。內可以治身。外可以應變。君子比德焉。作孫子吳起列傳第五。

維建遇讒。爰及子奢。尚既匡父。伍員奔吳。作伍子胥列傳第六。

孔氏述文。弟子興業。咸為師傅。崇仁厲義。作仲尼弟子







以救邯鄲之圍使其君復稱於諸侯作平原君虞卿  
列傳第十六。

能以富貴下貧賤賢能誦于不肖唯信陵君為能行  
之。作魏公子列傳第十七。

以身徇君遂脫疆秦使馳說之士南鄉走楚者黃歇  
之義。作春申君列傳第十八。

能忍詢於魏齊。徐廣曰詢音近。索隱曰詢音火候反謂辱也。而信威于疆  
秦推賢讓位。二子有之。作范雎蔡澤列傳第十九。

率行其謀連五國兵為弱燕報疆齊之讐。雪其先君  
之恥。作樂毅列傳第二十。

能信意疆秦而屈體廉子。用徇其君。俱重於諸侯。作  
廉頗藺相如列傳第二十一。

潛王既失臨淄而奔莒。唯田單用卽墨破走騎劫。遂  
存齊社稷。作田單列傳第二十二。

能設詭說解患于圍城。輕爵祿。肆志。作魯仲連鄒  
陽列傳第二十三。

作辭以諷諫。連類以爭義。離騷有之。作屈原賈生列  
傳第二十四。



結子楚親使諸侯之士斐然爭入事秦。作呂不韋列傳第二十五。

曹子七首。魯獲其田。齊明其信。豫讓義不為二心。刺客列傳第二十六。

能明其畫。因時推秦。遂得意於海內。斯為謀首。作李斯列傳第二十七。

為秦開地。益眾。北靡匈奴。據河為塞。因山為固。建倫中。作蒙恬列傳第二十八。

填趙塞常山。以廣河內。弱楚權。明漢王之信于天下。作張耳陳餘列傳第二十九。

收西河上黨之兵。從至彭城。越之侵掠梁地。以苦項羽。作魏豹彭越列傳三十。

以淮南叛楚歸漢。漢用得大司馬殷卒。破子羽于垓下。徐廣曰。堤塘之名也。作黥布傳第三十一。

楚人迫我京索。而信拔魏趙。定燕齊。使漢三分天下有其二。以滅項籍。作淮陰侯列傳第三十二。

楚漢相距鞏洛。而韓信為填穎川。盧綰絕籍糧餉。作韓王信盧綰列傳第三十三。



諸侯畔項王。唯齊連子羽城陽。漢得以間。遂入彭城。  
作田儋列傳第三十四。

或城野戰。獲功歸報。噲商有力焉。非獨鞭策。又與之  
脫難。作樊鄴列傳第二十五。

漢既初定。文理未明。蒼為主計。整齊度量。序律歷。作  
張丞相列傳第三十六。

結言通使。約懷諸侯。諸侯咸親歸漢。為藩輔。作酈生  
陸賈列傳第三十七。

欲詳知秦楚之事。維周繆常從高祖。平定諸侯。作傳  
靳黈成列傳第三十八。索隱曰。黈音裴。其  
字從崩邑。又音俘。

徙疆族都關中。和約匈奴。明朝廷禮。次宗。廟儀法。作  
劉敬叔孫通列傳第二十九。

能推剛作柔。卒為列臣。藥公不劫于勢而倍死。作季  
布樂布列傳第四十。

敢犯顏色。以達主義。不顧其身。為國家樹長畫。作袁  
盎鼂錯列傳第四十一。

守法不失大理。言古賢人。增主之明。作張釋之馮唐  
列傳第四十二。



敦厚慈孝。納於言。敏於行。務在鞠躬。君子長者。作葛  
石張叔列傳第四十三。

守節切直。義足以言廉。行足以厲賢。任重權。不可以  
非理撓。作田叔列傳第四十四。

扁鵲言醫為方者宗。守數精明。後世修序。弗能易也。  
而倉公可謂近之矣。作扁鵲倉公列傳第四十五。

維仲之省。徐廣曰。吳王之王。由父省。厥漣土吳。遭漢初定。以填撫  
江淮之間。作吳王漣列傳第四十六。

吳楚為亂。示屬唯嬰賢而喜士。士鄉之。率師抗山。吳  
梁陽。作魏其武安列傳第四十七。

智足以應近世之變。寬足用得人。作韓長孺列傳第  
四十八。

勇於當敵。仁愛士卒。號令不煩。師徒鄉之。作李將軍  
列傳第四十九。

自三代以來。匈奴常為中國患害。欲知疆弱之時。設  
備征討。作匈奴列傳第五十。

直曲塞。廣河南。破祁連。通西國。靡北胡。作衛將軍驃  
騎列傳第五十一。



大臣宗室以侈靡相高唯弘用節衣食為百吏先作  
平津侯列傳第五十二。

漢既平中國而佗能集楊越以保南藩納貢職作南  
越列傳第五十三。

吳之叛逆甌人斬淠。徐廣曰今之永寧是東甌也。葆守封禺為臣。

索隱曰葆音保言東甌攻破之後保封禺之山今在武水縣也。作東越列傳第五

十四。

燕丹散亂遼間滿收其亡民厥聚海東以集真藩。徐廣曰一作苒苒音普寒又。葆塞為外臣作朝鮮列傳第五十五。

唐蒙使畧通夜郎而邛笮之君請為內臣受

南夷列傳第五十六。

子虛之事大人賦說靡麗多誇然其指風諫  
歸於無

為作司馬相如列傳第五十七。

黔布叛逆子長國之以填江淮之南安割陸  
庶民作

淮南衡山列傳第五十八。

奉法循理之吏不伐功矜能百姓無稱亦無  
過行作

循吏列傳第五十九。

正衣冠立于朝廷而群臣莫敢言浮說長孺  
矜焉好

史記

卷一百三十一 太史公自序 三

以上  
交長孺



推之則  
下壯字  
疑當作  
莊此鄭  
名也慨  
字下又  
疑有闕  
文

王楚曰以  
仁義許游  
俠過矣

薦人稱長者壯有漑徐廣曰一作慨作汲鄭列傳第六十

自孔子卒京師莫崇庠序唯建元元狩之間文辭繁

如也作儒林列傳第六十一

民倍本多巧姦軌弄法善人不能化唯一切嚴削為

能齊之作酷吏列傳第六十二

漢既通使大夏而西極遠蠻引領內鄉欲觀中國作

大宛列傳第六十三

救人於厄振人不贍仁者有乎不既信徐廣曰不信

倍言義者有取焉作游侠列傳第六十四

夫事人君能說主耳目和主顏色而獲親近非獨

愛能亦各有所長作佞幸列傳第六十五

不流世俗不爭勢利上下無所凝滯人莫之害以道

之用作滑稽列傳第六十六

齊楚秦趙為日者各有俗索隱曰按日者傳亡無以知諸國之俗今褚先生唯

記司馬季所用欲循徐廣曰觀其大旨作日者列傳

第六十七

三王不同龜四夷各異卜索隱曰其書既亡無以知其異今褚少孫唯取大卜

占龜之雜說詞甚煩蕪不能裁然各以決吉凶畧闕

剪妄加穿鑿此篇不才之甚也公自序



其要作龜策列傳第六十八

布衣匹夫之人。不害于政。不妨百姓。取與以時。而息

財。富智者有采焉。作貨殖列傳第六十九。

維我漢繼五帝末流。接三代統業。周道廢。秦撥去古

文。焚滅詩書。故明堂石室。金匱玉版。如淳曰。刻玉版。以為文字。圖

籍散亂。於是漢興。蕭何治律令。韓信申軍法。張蒼為

章程。如淳曰。章程。數之章。術也。程者。權衡。丈尺斛斗之平法也。叔孫通定禮儀。則

文學彬彬稍進。詩書往往間出矣。自曹參薦蓋公言

黃老。索隱曰。蓋姓也。音古。益反。而賈生晁錯明申商公孫弘以儒

顯百年之間。天下遺文古。靡不畢集。太史公。太史

公仍父子相續纂其職。曰。公戲。余維先人嘗掌斯事。

顯於唐虞。至于周復典之。以司馬氏世主天官。索隱曰。案

此天官。非周禮冢宰天官。亦廣知天文星曆之事。天官且遷實黎之後。而黎氏亦惣稱重黎。以重木司

天故太史公代掌天官。至於余乎。欽哉。欽念哉。罔羅天下放

失舊聞。索隱曰。案舊聞有遺失。放逸者。網羅而考論之。王迹所興。原始察終。

見盛觀衰。論考之行事。畧推三代錄秦漢。上記軒轅。

下至于茲。著十二本紀。既科條之矣。並時異世。年差

不明。作十表。索隱曰。案並時則年曆差殊。禮樂損益。則亦畧言。難以明辨。故作表。

史記 卷一百一十五 太史公自序 三



律歷改易兵權山川鬼神

書補之今律書亦畧言兵也

書也鬼神即封禪書也故云山川鬼神也

承敝通變作八書二十八宿環北辰三十幅共一轂

案漢書音義曰象黃帝以下三十世家老

子言車三十幅運行無窮以象王者如此也

窮輔拂股肱之臣配焉忠信行道以奉主上作三十

世家扶義俶儻不令已失時立功名于天下

索隱曰已音紀

言扶義俶儻之士能立功名于當代不後于時也

作七十列傳凡百二十篇

五十二萬六千五百字為太史公書序

索隱曰相譚云遷所著書

成以示東方朔朔皆署曰太史公則謂太史公是朔

稱亦恐其說未實益歷自尊其父著述稱之曰公或

云遷外孫楊惲所稱事或當爾也

畧以拾遺補藝

李奇曰成一家之言

言厥協六經異傳

索隱曰遷言以所撰取協于經異傳諸家之說耳謙不敢比經藝也

異傳者如子夏易傳毛公詩及韓嬰外傳伏生尚書大傳之流者也

整齊百家雜語藏

之名山副在京師索隱曰言正本藏之書府副本留京師也穆天子傳云天子北征至干羣玉之山河平無險四徹中繩先王所謂策府侯郭嘆云古帝王藏策之府則此謂藏之名山是也後世聖人君子秋之義以俟後聖君子以君子之為亦有樂乎此也第七十



太史公曰余述歷黃帝以來至太初而訖百三十篇索隱述贊曰太史良才定纂先德周遊歷覽東西南北事覈詞簡是稱實錄報任投書申李下獄惜

董份曰前已詳著作文之義此文下一冷



語結結之  
甚切其姪

言  
哉  
才  
妄  
續  
非



Faint, mostly illegible handwritten text in seal script, arranged in vertical columns. The text appears to be bleed-through from the reverse side of the page.

